

THONGKIAPA KHAT

 ...hiah ka omkik uh a, Topa Zeisu' Minin, nidang a Na zawhsa nasep lianpita ka zakik uh hi. Tua ciangin tu-in lametna tawh ka dingto uh a, ka upna hong sangkhan inla, tu nitak' ading ngetna hong kipiak ding ka um uh hi. Mimal khatciat, amaute' kisapna khempeuh Na thei hi. Tua banah amaute' ading thu kong ngen uh hi, a diakin, Topa aw, sihna tawh a kinai mahmah mite' ading. Amaute' nunna ah lungnopna hong piak sak ta in. A pumpi uh damna hong piak sak ta in. Hong pia in, Topa.

2 Kong paikhopna uh thupha hong pia in. Kong—kong ngen uh hi, Topa, hih Nilaini nitak thunget kikhopna ah, tua, ka kikhop uh ciangin nih bang ahi a tua sangin a tamzaw ahi zongin kimuhkhopna ah, kote tawh Nong ompih ding cih ka thei uh hi. Tua ciangin Nangma' tungah kong ngen uh hi, Topa, Na Thu tu nitak kote' tungah hong pia ta in. Kote hong hopih in, Topa, ka lungtang uh hong khalum sak inla, tua hileh koleko hong pai ding hun thupi ah bangci kikkhal ding cih ka thei ding uh a, Topa' Hongpaikik ding nai ta hi cih ka um uh hi.

3 Tu-in mite in amaute' tunga kipia upna zon ding kipan ta uh a, upna i cih bang deihsa hiam cih thei ta uh ahih manin Nangma' tungah lungdam ung. Tua ciangin ka zat ding uh biakpiakna hunte ah Nang in banghiam khat sem ding cih umin thei ka hih manun Nangma' tungah lungdam ung. Topa aw, hun beisa mah bangin, lametna tawh ka ngak uh a, Vantung' tawlette hongkhia-in hih ni nunung ah Pasian in hong kamciamte Nang in nong sungsuk ding hun hong nai ta hi cih ka um uh hi.

4 Tu-in Nangma' tungah kong ngen uh hi, Topa, gam sung khempeuh ah, mun khempeuh ah, tuni kimlepam ah kisapna a nei tampi ka za uh hi. Amaute' lunggulhnate hong piak sak ta in, Topa. Tua ciangin hih na lianpi a zong mite lakah leitung buppi ah a pai kawikawi Pasian' khut in a muh nading kong ngen uh hi.

5 Ka mawhna uh hong maisak in. Ka hoihzawkw nadingun Na Kha leh Na Thu tawh kote hong hilh inla, koleko mahmah ka kikkhal thei ding uh a, a thumang nasemte, Pasian' deihsa sungah a thumang nasemte ka hi ding uh hi. Kote hong phaww sak inla, ka lungtang uah, Christian masate hihsa mah hong ngaihsun sak in. Nang tawh mimal kizopna a nei tua mite tawh ka kimuh uh ciangin a bangci nam hi ding uh hiam. A maitang uh upna leh lungdamna tawh kidim ngel ding uh hi. A nuntakna uh a nungta Pasian' Thu tawh hi ngel ding uh hi, amaute in mite lakah a pai uh ciangin, "mite' sim theih laigelhte" tawh kibang ding uh hi. Pasian aw, khatvei hong pia beh lai in.

6 Ka nuntakna uh Nangma' tungah kong ki-ap uh a, KST in kote' tungtawnin Amahmah hong nungta henla, kote' tungtawnin hong hopih ta hen, Topa. Ka lungsim uhah, lampi ah ka vak uh ciangin, leitung tawh kisukkhakna ah, kote in amaute tawh kibang lo ka hihlam uh hong phawk sak ta in. Tua banah amaute hong nusia zo sak inla, leitung ah amau omna mun maan ah hong omsak ta in, Topa. Kote in leitung a dangkhat panin hong pai ka hihlam uh hong thei sak inla, hong tuamkoih in. Vangliatna tawh hong pai ding Kumpigam khat ka nei uh hi, Topa. Ka Kumpi lianpa uh a sawt lo-in hong pai dinga Ama' ukna sungah kumpigam khempeuh' tungah la ding hi. Tua ciangin Amah in uk in mang ding a; Amah tawh leitung ah kum tulkhat, tua ciangin Amah tawh ka omkhawm tawntung ding uh hi.

7 Hih thu lungsim sungah koih kawmin, Topa aw, tu-in ka thungetna uh nong dawn nading ka lamem uh hi. Ka kipulakna uh ka mitsuan uh hi. Hihkhialh khatpeuh ka neih uhleh, khatpeuh ka genkhak uh a, ahkl ngaihsut khatpeuh ka neihte uh, Nangma' deihna lianpi tawh a kituak keileh, Zeisu Khazih' Sisan in kote hong siangsak ta hen.

8 Kote hong makaih in, Topa, tu nitak sanggamnu genna ah, amah le a pasal Chicago lampi ah om uh hi. Amaute hong makaih sak ta in, Topa Pasian, amaute Na zat theih nading mun ah, amaute in khuamial sungah midangte' tungah khuavak a tang ding, ka Topa Zeisu uh a theilo mite' kiangah ahi hi. Tu-in Nangma' tungah kikhopna ka ap uh a, Na Thu tawh hong puahpha inla, tua hileh hih hunlenai thupi ah bangci kiginkhol ding cih ka thei ding uh hi, Zeisu' Minin kong ngen uh hi. Amen.

[Awkhumna kician lo. Siapa Neville in a ngaihsutna gen hi—Ed.]

Topa in thupha hong pia hen. Lungdam ei, sanggam.

9 Hih thu tawmcik khat ka lamem kei hi. Kei, inn ah omin, mun khatpeuh ah, thu poimawh, ka pai kul kei nak leh, inn ah om napi, thunget kikhopna ah ka pai keileh, hoih hetlo ding hi. Tua ciangin bangmah gelkholna om lopi-in, ka tung a, keimahmah, leh ka innkuanpihte nangawnin lamem lo hi. Sawt ka tam kei a, ka paikik pah hi. Tua ciangin ka gen a, "Thunget kikhopna ah ka paisuk ding hi." Tua ciangin tua nu in hong pai nading hun nangawn neilo hi, tua ahih manin ka pai lam aman theilo hi.

10 Tua ahih manin sanggamnu' tecipanna ka zak lungdam ing, sanggampa, South Carolina ahkl. North Carolina, mun khatpeuh ah tua Khuavak thu tawh kisai hi. Greenville, ahi hia? [Sanggamnu khat in, "Hilo. Southern Pines."—Ed.] Southern Pines. He.

11 Sanggampa Lee Vayle tuni hiah om hi. Amah tuni ka baptize a, tuiphumna hun hiah om hi. Sanggampa Lee Vayle, na thei

uh hi, tualai ah Pasian nasemte' khat hi, Sanggampa Parker Thomas. Tualai ah . . .

¹² Sanggamnu khat a kituamcip, hun ka phawk hi. Tua pen kipsakna lianpi khat hi, sanggamnu, tua pen . . . KST in khatveivei eite hong paisak dinga i upna hong sin ding hi, banghiam cih mu ding . . . tua ciangin midang' upna sin ding hi. Banghiam khat tangtakin na et ciangin, banghiam khat mu in, tua ciangin hi bangin na gen hi; midangte in en uh a mu lo uh hi, amau a genna ah tualai ah om lo ci uh hi. I mu hia? Ahi zongin tua pen tualai om hi.

¹³ Tu-in, tua Paul ii tungah Khuavak pen kuamah in mu theilo hi, ahi zongin tualai ah Tua om hi. Vantung panin vakhu kang hong paisuk a, Khuavak limin, lim khat, tua ciangin Zeisu' tungah om hi, ahi zongin John mahmah in mu hi. Ahi zongin tualai ah Tua om hi. I mu hia?

¹⁴ Tua ahih manin, tua khit ah, hih Mei Khuampi a bang Khuavak tawh kisai mite' kiangah ka gen ciangin, kuamah in um nuam lo uh hi. Ahi zongin tu-in camera' mittang a bangin Tua pen tetti lak hi.

Tu-in gilo kha in khuamial hi.

¹⁵ Tua pen i nuntakna tawh kibang a, eite pen liimte i hi hi. Tua ciangin, eite, eite pen khuavak khat i hih leh, eite i hi hi, Khuavak tawh i nuntakna a kituak leh, Khuavak sungah i kalsuan hi.

¹⁶ A pualam enkhia in hi bangin na pau tawh kibang hi, "Nitang ka mu hi," ci-in sunhun ah na ci hi. Nang—nang nitang' liim na mu hi. Tua pen nitang' lehtankikna khat hi. Tua pen nitang hilo, tua mahmah, ahi zongin tua in nipi khat om cih hong lak hi. Tua in nipi khat om cih hong lak hi.

¹⁷ Tua ciangin tu-in ka muh ciangin, na tut ciang, maizap zatna, kampauna, tua in na nungta hi cihna hi a, ahi zongin tua pen nuntakna' liim khat bek ahi hi.

¹⁸ Banghang hiam cihleh, nuntakna pen khuamial lakah a om, liim khat tawh kibang hi. I mu hia? Banghang hiam cihleh liim khat in khuamial tampi nei a tua ciangin khuavak zong tampi nei hi, tua in liim khat piangsak hi. A vekpi khualmial theilo hi, tua ciangin a vekpi khuavak theilo hi. Khua a mial leh, a mial taktak hi. Khua a vak leh, liim om lo, liim a om ding om lo hi. Ahi zongin khuamial leh khuavak kigawm leh, tua in liim khat piangsak hi.

¹⁹ Tua ahih manin eite pen khuavak liimte i hi taktak hi. Tu-in mun khatpeuh panin nuntakna khat a lehtankik na hi hi. Tua bang na hih leh, Christian, hih in liim khat hi a, na sih theihlohna mun ah Nuntakna khat om hi cih bek hong lak hi, banghang hiam cihleh hih nuntakna in sihna nei hi. I mu hia? Ahi zongin liim khat hi a, banghang hiam cihleh na nungta a, a mu thei, a ngaihsun thei, a gamtang thei, a pau thei na hi hi, tua banah

pumpi pan theihtheihna nam nga tawh na om hi. Ahi zongin na thei hi, tuate, tuate si ding cih na thei hi. Tua ciangin buaina tampi om hi. Na thei hia, tua pen bek in . . .Tua in lehtankikna khat hi, mu hia, nuntakna leh sihna omkhawm hi.

²⁰ Pumpi pen a sih kul hi. Ahi zongin na lehtankik leh, a si thei na nuntakna, Vantung' Khuavak, tua khith teh Nuntak Tawntungna, Pasian na lehtankik hi. Tua khith teh na sih ciangin, tua Khuavak sangin a gamlazaw ah na pai theikei hi, banghang hiam cihleh Tua pen mah na lehtankik hi.

²¹ Khuamial leitung pan na hih leh, tua na lehtankik hi, na hih thei hi, khuamial simloh mundang ah na pai theikei hi. I mu hia? Tua ahhih manin lehtankikna khat sungah i om hi. Tua ahhih ciangin, KST in Khuavak le Nuntakna lehtankik hi cih kician takin i mu a, tua mah bangin sihna in khuamial lehtankik hi.

²² Tua ciangin hiah tuate gel om hi. Zing . . .Nipikal bei ah, Nipini a nunungpen hi kha thei hi, marn khat i kila ding a, tua pen size gol in bawl ding hi hang, tua ahhih manin signboard' tungah kikoih thei ding hi.

²³ Koi ah, *na* lim pen tua billboard' tungah kikhai hi. Na ciamteh kha hiam, ciamteh kha lo hiam cih ka theikei hi. Tua khith ciangin . . .

Tua ciangin tuma kal khat lai khawngin, Jamaica gam ah, ka missionary nasepna mun ah . . .Leitung bup ah awkhumna ka puak uh hi. Tua ciangin *Ciamtehna Sagihte* zong puakkik in . . .Jamaica' gam sungteng ah, gam sungtawng tengah. Tua ciangin tua mun pen tanglai khanglui hun mahmah lai hi, Blue Mountain' galkhat lam ah hi. Tua ciangin tualsung mite, khatveivei, amau awkhumna ka khakte uh nei uh hi, tua pen nidang lai-a vanzat ahi Victrola te danin, na hon tak ciangin na pei kul hi—hi danin na pei kul hi. Tua khith teh, minute tawmkhat hun sim, mi khatpeuh in tua a pei kul hi.

²⁴ Hih pawl in battery . . .tawmkhat . . .tawmcik, volt-6 tha a nei battery, ahkl. a dang khatpeuh, awkhumna hon nading nei uh hi. Tua ciangin amau tukhawm uh a, hiah zanhun ah, tua *Ciaptehna* ngai uh hi, cih um ing. Tua ciangin ka kampau laitak, amau ciamteh kha uh a, inndeitung, Pasian' Ompihna mah hong tung a, tua awkhumna ah na hong sem hi tua banah tua ii a dawn ah om hi. Tua ciangin amau pai uh a camera khat la-in Tua marn zaih uh hi. Tua ciangin tua Khat pen mah, tualai Tua om a, tua ii tungah kikhai hi. Tu-in i bawlkhia ding a, tua ahhih manin billboard' tungah i suang thei ding a, tua hileh na mu thei ding uh hi.

²⁵ Pasian' hehpihna hangin lungdam mahmah hang . . .tuni Ama' Ompihna sungah eite hong tunpih hi. Tu-in thulela tampite' hangin lungdam hang.

²⁶ Tun hiah ka en dinga lai ciaptehna pawlkhat ka mu hiam, pawlkhat, ka thugen pawlkhat. Ahikeh, thu pawlkhat . . .

bangbang hita leh, ciaptehma lai tawmkhat ka nei hi, laibu khat sungah ka khum hi. Khat ka muh leh, Topa in gen dingin hong piak leh, i thunget hun sung.

Tu-in, Nipini' ading kigingkhol hi hang.

²⁷ Thupuakte ka gengen hi. Tua ciangin, Nipini, hun saupi kong zang a, tua, "Banghang Keima' tungah kiko na hi uh hiam? Mipite hopih inla mainawt un."

²⁸ Tu-in, Nipini pen damlo cinate' ading thunget hun hi ding hi. Tu-in, cina om kawikawi hi, tua ciangin a natna ahang zong pawlkhat om hamtang ding a, amaute thu i nget sak ciangin, a dam kei leh, Topa'n hong thukimpiph leh, Nipini zingsang sermon tomno khat ka zang nuam hi, tua. . .Tua ahih manin, cina thunget hun ka nei ding a, mi khempeuh' ading thungen ding hi hang. Tua ciang Billy Paul ahkl. mi pawlkhat Nipini zingsang hiah hong om ding uh a, nai giat pawl, biakinn a kihon ciangin, kongpi kihon ciangin, card hawmkhia ding uh hi, ahkl. amau a lut hun simin.

²⁹ Tu-in tua khit teh, ka hanciam nuam hi, Topa in kei' tungah mi pawlkhat banghang in dam lo uh hiam cih ahang hong gen dingin ka um hi. Tua ciangin tua pen theihtelna omlohna hang hi dingin ka um hi. Tua ciangin ka um hi, tua thu i gen ding a, Nipini zingsang, Topa'n thukimpiph leh.

³⁰ Tu-in, Nilaini nitak thunget kikhop hun pen tom hi i vekpi kikaikhawmin thu i ngetkhopna mun, i kipawlkhawm hi.

³¹ Khat veivei, tuni ka muh lak panin a lianpen khat inah, i up thu pan cihtak lohna hi dingin ka um hi. I mu hia? I mu hia? Pasian in, John Wesley' hunin, tuni a Aman a sepsa thu semkhin hizen leh, sep khit dingin; Martin Luther' hunlai a thute, ahkl. tua sang a tamzaw? Amah in a nasep i muh mah bangin, Pawlpi tawh, Kha tawh, tua ciangin nate thu tawh, tua ciangin tatna khempeuh tawh hong lak a, tua theih kul hi. Pasian' Thu in Tua hong tangtun ma-in hong genkhol leh Tua hong tangko hi. Tua khit ciangin Ama' thugen pen hong lak a, hong genkhol hi, tua ciangin tua tungah gamtang hi, tua bangin hong piang lian ding a, Ama' gen bang lian hi ding hi. Tua ciangin eite in tua pen thudon lo-in, i omsan lel mawk hi. "Ee, tua in kei a cihnopna ahi thei tam? Tua in pawlpi, a buppi a cihnopna ahi thei tam cih thei nuam ing? Ahikeh—ahikeh Hih sungah kei ka kihel takpi mah hiam cih thei nuam ing?" Ka ngaihsun a, Nipini zingsang, tua thubulpi pawlkhat genkhia hileng tua in eite tawmcek hong theibehsak tuam tam ka ci hi.

³² Tu-in, tu nitak, banghiam khat ka mu a, kong paisuk ma, hiah kihei hi. Ka lungsim ah, "Siapa Neville in, tualai ah ka pai ciangin, aman kei' kiangah, 'Ding inla, gen in,' hiah tu lel ding na hi hiam?" hong cikhak ding ka ngaihsun hi. I mu hia? Ka lungsim ah, "LST ka kiginna pawlkhat gelh leng hoihzaw ding

cih ka ngaihsun hi.” Banghang hiam cihleh, amah, amah pen a ithuai sanggam khat hi a, ama’ tungah lungdam hang.

³³ Thu’ tungah i thunget ma, sanggampa khat ka phawk nuam hi. Tu laitak ama’ min nangawn ka sam thei kei a, tua amau nih. Amau hiah om uh a, ka lawmte hi. Tua . . . Amau pen Pasian nasemte leh evangelistte hi uh a, gam sungah, paikhia uh hi. Amau hih Thupuakte pen awkhumna pan za uh hi. Tua ciangin amau pen pawlmin tuamtuam panin hong pai uh a, hih khangno lawmte gel. Tua ciangin pasalpa, a khat pa pen in lunglut mahmah hi, amah hong paisuk a, Tucson ah, a sawt nailo lain, kikhopna a tawpna ah. Kei pen Business Men’s Breakfast ah ka om laitak hi dingin ka um hi. Tua ciangin tangval lawmpa, khangnopa, hong paisuk hi. Tua ciangin . . .

³⁴ Amau pen Kansas pan ahi uh hi. Tua ciangin amau hiah a kiteeng dingin hong pai uh hi. Ka lungdam hi. Na thungetna uhah tuate phawk unla, Pasian in thungetna hong dawng dingin ka um hi; khangnote in a nuntakna uh, hi danin hong kipan ta uh hi. Tua banah amau a kiteeng dingin hiah hong tun uh ciangin, zanni, Indiana gamke’ thukhun tawh kituakin et kul a, a sisan uh sit napi, hih gam ah ngak kul phot a, ni thum sung, a kiten ma-un tua bangin ahih uh kul hi. Tua ahih manin, Laithaini zingsang hun dong amau kiteeng thei nailo uh hi.

³⁵ Tua ciangin hun man ciangin i sanggampa kiangah ka dong ding a, a mi kua hiam cih hong gen leh hoih ding hi, tua ciangin ama’ it a zahtakhuai numei leh, a gei-ah a sanggampa.

³⁶ [Sanggampa in gen a, “Lungdam ei, Siapa Branham. Hiah omkhak pen hampah ung. Tua ciangin kei pen Sanggampa Roger O’Neil ka hi a, Kansas ah ka teeng hi, gam sungah, evangelist khat bangin na ka sem a, mite’ kiangah, ‘Zeisu in hong hon hi, hong damsak hi, upna tawh Zeisu. . . ? . . .’ Ka kithawi den a . . . ? . . . Hih in ka zuthawl piaksa, Patricia Brown hi. Laithaini ah, ka kiteeng ding uh hi. Hih in ka naseppih evangelist leh ka naseppih, Sanggampa Ronnie Hunt hi, hiah a tawpna ah om hi. Tua ciangin hih pen ka zuthawl piaksa, Carol . . . ? . . . Tua ciangin tu nitak hiah om nuam ka sa uh hi.”—Ed.]

³⁷ Lungdam mahmah ei. Hih khangno taangmite, Topa Zeisu’ nasepna ah kisam mahmah hi hang, Pasian’ thuphate, amaute’ lampi ah hong tung ta hen. Tua ciangin ka ngaihsun a, Topa’ Hongpaikikna ngakin, hih khangno pasalte leh numeite in a lungsim ah ngimna khat tawh, Khazih nasem ding, cih pen hi danin amaute ka muh ciangin ka dip hong kuasak hi. Topa in note thupha hong pia ta hen, ka sanggampa, sanggamnu.

³⁸ Tu-in ka nuntakna ah, ka genkhiat ngeiloh thu hih Laibu panin en nuam hang. Tua ciangin tua pen . . . Philemon’ Laibu, a lian khat bek om hi. Tua ciangin . . .

³⁹ Kei pen tawmcik Irish misuah pian ing, tua ciangin ka nuailam hate kimkot ah khauzang kithuah hi, tua in ka hate a

mun ciat ah hoihtakin lenkip hi. Kei, kei, khat vevei hih minte maantakin ka lokhia kei hi, thei napi ka paukhia theikei hi. Tua ciangin khat vevei tuate maantakin ka sim thei kei hi, ahingin pilsinna niam lua hi. Tua ahih manin, “Philemon,” mikhat in gen a, tua pen a awsuah maan dingin ka ngaihsun hi.

⁴⁰ Tu-in, a neu 1st ah, kammal khat hiam nih hiam ka zang nuam hi.

Khazih Zeisu’ hanga thongkiapa keimah Paul. . .

⁴¹ Tu nitak, hih kammal panin, Topa’ hong thukimpieh leh ka thulu dingin ka zang nuam hi: *Thongkiapa Khat*.

⁴² Tu-in, Paul pen amahlemah thongkiapa khat bangin kingaihsun cih pen na ngaihsutna ah hamsa kha ding hi. A suakta-suakkik mipa khat, KST tawh kidim, ahi zongin amahlemah pen “thongkiapa khat” kici hi.

⁴³ Tua ciangin tu-in i mukhia a, Conrinthians ah hih bangin gen hi, “Paul, Zeisu Khazih’ sawltak.” Hun dangkhat ah, “Paul, Pasian’ deihsa tawh Zeisu Khazih’ sila khat,” ci-in Timothy’ kiangah, midang tuamtuan kiangah gen hi. Tu-in Philemon’ kiangah hiah a gelh ciangin, aman, “Paul, Zeisu Khazih hanga thongkiapa khat” ci hi. “Paul, sawltak khat,” nitak khat tua kammal zangin ka gen nuam hi. “Paul, sila khat—khat,” tua zong gen ni. Tua khith ciangin, “Paul, thongkiapa khat.”

⁴⁴ Ahi zongin, tu nitak, thulu khat ka teel ding nai tampi ka zang a, tu nitak, hih kammal ka zang nuam hi, “Paul, thongkiapa,” tua ciangin thulu dingin: *Thongkiapa Khat*.

Tu-in tawlkhat sung i lute kunkhawm ni.

⁴⁵ Topa Zeisu aw, mi khatpeuh, taksa a hat, in hih LST bu pan laimaite kaikik zo hi, ahi zongin KST bek in tua a deihsa pen khuavak sungah hong hilhcian thei hi. Tu-in Amah in kote hong huh nadingin kong ngen uh a, hih in bang hiam cih ka theihel nadingun hong huh ta hen, hih a thupi, kamsang lianpa, Paul, leh amahlemah “thongkiapa khat” ci-in kisam zawsop hi. KST in hih thu kote’ tungah Amah ka ngak kawmun hong kilang sak hen, ci-in Zeisu Khazih’ Minin kong ngen uh hi. Amen.

⁴⁶ Tu-in ka mit kha ah ka bawl a, Paul, hih laikhak Philemon’ tungah a gelh laitak, thonginn sungah a tutzia, hih khuapi sung thonginn ah, thongkiapa khat. Tua banah aman hih kammal a zat laitak, ama’ dinmun pen thei mahmah ding hi. Amah pen tuikulhte in umcih hi. Mi khatpeuh in amah a suahtak sak ciang simloh amah pen tua bangin om hi. Tua ciangin thongkiapa khat hih nading cih pen aman thei hi. Tua khith ciangin, sawltakpi i cih pen tawmcik khat. . . ama’ tulaitak dinmun a gen nuam lian hilo hi, hiah hih—hih thonginn sungah ama’ pumpi tawh thongkiapa khat hihna hi. Ahi zongin aman a hihna, ama—ama—ama’ kha a gen nuam hi dingin ka um a, ama’ deihsa, Zeisu Khazih’ tungah thongkiapa khat hihna tawh hi.

47 Tu-in, eite khempeuh i suak a, suakta takin septheihna khat, i ut peuhpeuh khensatna khatpeuh i bawl nading hi. Pasion in tua hih lel hi. Banghang hiam cihleh, Amah in mi khempeuh a bulpi kibang ah a koih kul hi, ahkl. Aman mi maanlo khat. . . Aman bulpi maan lo ah mi masapa koih a, tua pen Aman suakta takin khensatna koih hi. I mu hia? Eite pen tu nitak, Adam leh Eve mah bangin, eite zong i hi linlian hi. Kilamdanna om lo hi. Eite' mai-ah a maan leh a khial kikoih hi. Nuntakna leh sihna, i teel thei a; tua na khensat ding, nangma' thu hi. I mu hia?

48 Tua pen Adam leh Eve in a hih lampi hi, tua ciangin, en un, tua ciangin—tua banah amau khensatna maan lo khat hong bawl uh hi. Tua ciangin tu-in, tua tawh, mihing buppi, sihna nuai-ah, sihna dinmun ah koih hi.

49 Tua khit ciangin Pasion in mihing lim hong la a, tua sihna hong la hi, tua ciangin sihna daan man pia hi, tua hi. . . Ama' suahtak theih nading lunggulh thute.

50 Tu-in, Aman eite hong sap a, Adam le Eve' tungah ahih lampi bang hilo-in, banghiam khat tungtawnin eite hong kaiziau a, hi bangin ci hi, "Hotkhiat ding na ut a ut kei zongin Kong honkhia ding hi," tua khit ciangin Aman Adam le Eve pen a maanlo bulpi ah koih hi, na mu hia. Ahi zongin eite khatciat in i teel kul hi, tuni, sihna leh nuntakna kikal ah. I hih thei hi.

51 Ken ka gentel mah bangin, na khuavak in lak ding a, na nuntakna in na panpihna lam bangin hong lak ding hi. Na omna lam na gen phamawh ka sa kei hi. Na hihna, nisim, na hihna hong lak hi. Thuciin lui khat na za khinzo uh hi, "Na nuntakna ngaih mahmah hi, na teci panna ka za theikei hi." I mu hia? Na—na gamtatnate ngaih mahmah hi.

52 Otna leh dianna nidang ka um den ngei hi. Ahi zongin ka gen zelzel ahi, "Na nuntakna sangin a sangzaw ah diang ken, banghang hiam cihleh leitung in tua hong en ding hi." I mu hia? Na nuntakna tantan bangin na dian kul hi, tua ahih manin, banghang hiam cihleh mi khatpeuh in nang hong en ding hi. Tua ciangin tu-in. . .

53 Mite biakinn ah hong pai lo ding uh hi. Amau—amau, amau mi tampi, hong pai lo lel ding uh hi. Tua ciangin tuate pawlkhat, hong pai lo ding uh a, tua mite pen mi thupi mah ahi uh hi. Amau pawlpi sungah kisiatna tampi mu uh hi, a tawpna ah bangmah hih nuam nawn lo uh hi. Tua ciangin tam veipi, tua thu daitakin i gen a, amau na mawhsak taktak thei kei hi, mu hia, amaute' gamtat lampi hang hi. Amaulemau Christian kici uh hi. Amaute pen leitung in a neih a dongkholhpen suangtum bang hi a, amau Christian a kici pasal le numei ahi uh hi, tua ciangin amaute' pulakna panin a tuampi khatin nungta uh hi. Tua lian hi.

54 Tu-in, lungkimlohnate Thukhenna ah hong tung ding hi. Tu-in, mawhnei mi, zuzuak sim mi, sum kikhama kimawl mi, a paktat mi, amah—amah in a kammal simna ahi, "Tawntung

meikuang sungah kikhen ding,” cih a zak ciangin lungkim lo-in om lo ding hi. Amah lungkim lo-in omlo ding hi. Ahi zongin tua lawmpa amahlemah pawlpi khat ii pulakna pawlkhat nungah om a, tua tangvalpa in Thukhenna Ni ah lungkimlo ding hi. I mu hia? Tua in Christian khat dingin pulak a, lampi dangah nungta hi. Banghiam tuamdang khat kipan in a nuntak ding sangin, pulakna khatpeuh nangawn bawl ngeikei leh ama’ ading hoihzaw ding hi. Banghang hiam cihleh, amah pen i neih a lianpen hong nawngkaisak van hi a, tua a pulakpa in amah—amah—amah pen Christian khat hi ci a, banghiam tuamdang khat in nungta hi.

⁵⁵ A tawntung, nalamdangte bangzah na lah kul hiam cih tawh na nuntakna thukhen ken. Tua ciangin Thu pan thutheihna bangzah nei na hiam cih tawh ei-le-ei thu i khen kei hi. Ahi zongin tu laitak na nuntakna ah a bang nam gah na gah hiam cih tawh enkik inla, nanglenang thu kikhen den zaw in. I mu hia?

⁵⁶ A beisa hun tawmkhat lai, Arizona gamke, Phoenix khua businessmen’ kikhopna ah, a lehtankik Christian Nuntakna, Zeisu’ lehtankikna thu ka gen hi. Kentucky ah hiah ka suak a, a khanglui vai mahmah mun, a diakin ka naupang hun lai hi ka ci hi. Tua ciangin hih pasalno in hiah i neih inn bang khat nei ngeilo hi, en ki-etna ding inn sung khempeuh ah, limlang maante a melhoih numei tampi in zang uh hi, a sam uh kizem uh a, tua bangin zang uh hi. Ahi zongin tua pa in limlang maan no khat nei a, inn pualam singkung khat tungah a kikhai, kisilna mun ah, a nu leh a pa kisilna mun, a samte uh hiat uh a, kizem uh in, singkung khat tunga kikhai limlang maan lui pan ahi hi.

⁵⁷ A taktakin, i neih inn nam hi a, mi khatpeuh in limlang maan khat a muhnop leh, ei naupangte, singkuang khat la-in kisilna ah i paipih a, tua tung panin, nin lak panin keimahmahin ka top, tua limlang maan ah ka ki-en hi. Tua pen Kentucky ah hilo hi. Hiah Indiana, Utica Pike ah hi.

⁵⁸ Tu-in, hih naupang in tua danin amahlemah kimu ngei lian lo hi. Tua ahih manin, amah khuapi ah hong pai a, a pi kiang hawh dingin pai hi. Tua ciangin tua. . .Tua pen khualzinna inndeit tungah hi a, a pi in kongkhak ah kicing takin limlang maan khat a nei inn khat nei hi. Tua ciangin, pasalno, inndeit tawnin tai a, a mai ah pasalno dang khat mah mu vat hi. Tua ciangin tua pasalno pen zong tai hi. Tua ahih ciangin aman minute tawmcik sung khawlpak in tua a lawm pen in bang hih ding hiam cih mu dingin hong ngaihsun hi. Tua ciangin amah khawl a, tua pasalno zong khawl hi. A lu a hei leh, tua pasalno zong a lu hei hi. A lu a khuat leh, tua pasalno in zong ama’ a khuat hi. A tawpna ah, a gei nai ah pai a, sittel dingin hong zuan phei hi. Tua ciang amah kihei hi. A nu in lamdangsakna tawh en gige a, a pi in zong lamdangsakna tawh en gige hi. Tua ciangin, “Banghang maw, nu aw, tua pen keimah ka hi” ci hi.

59 Tua ahih ciangin ken zong, tua, “Eite zong, banghiam khat i lehtan hi” ka ci hi. I mu hia? I nuntakna pen kilehtankik hi.

60 Tua ciangin tu-in, Noah’ hunlenite sungah i nuntak leh, a kua lamah i pai ding hiam? Tua Noah nuntak ni thupi ah a bang lamah i zui ding hiam? Moses’ hunlenite ah a bang lamah i zui ding hiam? Elijah’ hunlenite ah a bang lamah i zui ding hiam, leitung buppi in tua hun a khantohna lianpi ah zui uh a, Jezebel’ hun bangin, leitung vai lua lampi ah Topa’ nasemte khempeuh paipih uh hilo hiam? Tua ciangin pawlpi leh siampite tua nu’ mai ah kun uh hi. Tua minthanna lamah hiam, ahkl. Elijah’ lamah pangzaw ding na hi hiam?

61 Tu-in, Topa Zeisu’ hunlenite ah, hih a minthang lo Mipa, leitung ah pilsinna neilo hi, a sangkahna mun hong kigen lo a, koi ah tuahkhak le sinkhak nei hiam cih zong i thei kei hi. Tua ciangin—tua ciangin “zawlta suahna” cih min tawh hong khangkhia hi. Tua khit ciangin hong paikhia a, amaute’ hihlsa thu khatpeuh tawh a kilehbulh Lungdamna Thu khat gen hi. Tua pen. . .Tua ciangin Pasion nasemte leh a kipawlinate uh, leh a tuamtuum mawhsak hi.

62 Tua ciangin kipawlinate in pulakna khat bawl uh a, “Hih kamsang kici pa a ngai dingin mi khatpeuh a pai leh, vengkawm panin kikoihkhia ding hi,” ci uh a tua pen a si thei mawhna khat hi. Amau sazia a lah kul ding uh hi. Amaute biakpiak theihna lampi bek in tuuno’ sisan nuai ah hi. Hih biakpiakna ah amau a pai kul uh hi. Tua ciangin—tua khit ciangin amaute pen a kihawlkhia mi hi uh a, tua bangin na lianpi sem uh hi.

63 Tua ciangin hih Mipa in tua bang nial hi. Tua banah Amah pen Pasion’ Laibu tawh kituak sitset a, ahi zongin amaute in Tua a theihna lampi bang hilo hi. A koilam na zui khin hiam? I mu hia? Tu-in, Na nuntakna tu-a na dinmun, nidang a na hihsa thu pen tun hong lehtankik hi, banghang hiam cihleh tua kha pen mah na nei lai hi. I mu hia? Tu-in tua lamah na pan leh, amaute tawh, tua mah bangin na hih khinzo ding hi. Banghang hiam cihleh, tu-a na sunga om kha pen mah in tua mite’ sunga om pen mah hi. I mu hia?

64 Dawimangpa in cikmah hunin a kha la ngeilo hi; aman mi khat khit khat tungah pai kawikawi sak hi.

65 Pasion in Ama’ Kha la ngeilo hi; Amah pen khat tungpan khat ah pai hi. I mu hia?

66 Tua ahih manin, Elijah tunga om Kha pen mah Elisha tungah hong pai a, tua pen mah Tuiphumpa John tungah, cih bangin hong pai hi.

67 Kha Siangtho, Khazih tungah om a, nungzuite’ tungah pai in, a banban in, mite’ tungah pai lai hi. Na mu hia? Pasion in Ama’ Kha cikmah hunin la ngeilo hi.

Tua ahih manin teelna khat a bawl dingin, eite hong kikoihi hi.

⁶⁸ Tua ciangin ken—ken Paul in a kisikkikna khatpeuh ka mu zo kei a, tua banah thongkhia khat ahih manin a dah lam ka thei kha kei hi. Ahi zongin aman amahlemah hong kigenkhia a . . . Paul pen ka um hi, a laikung tawh hih laikhak a gelh ciangin, KST in tua bangin a gelh ding sawl hi ding hi. Tua, hi mai thei hi, tu nitak nangawn ah, Paul in banghang hih bangin lah sawm hiam cih tawh kisai, eite in zong i genkhia ding hi. Banghang hiam cihleh, tua pen LST bang hi a, LST bang i cih pen Tawntung hi. Ka um hi, tua, hih thong luipi sungah tu a, hiah Paul in a naseppih pa kiangah laikhak hi, tua, a sanggampa, aman “Zeisu Khazih’ hanga thongkhiapa khat ci hi. Tua ahih ciangin, ama’ kimlepam a om a muhna tawh kizui-in aman lakkhia thei hi. Tu-in, amah pen thonginn sungah om hi, ahi zongin aman tua thu gen lo hi, hih—hih Khazih’ nasempa, amah tawh nasem khat. Aman Zeisu Khazih’ Thu ah amah pen thongkhia khat ci hi, banghang hiam cihleh Khazih pen Thu hi.

⁶⁹ Tua ciangin Paul pen ama’ hunlenite sungah LST siam mahmah khat hi. Aman ngimna lianpi nei hi. Amah pen—amah pen—limtakin a sin ngei pa khat hi a, tua . . . mite’ tungah, Gamaliel’ min nei tungpan a sin ahi hi, tua pa pen ama’ hun a laihilhsia hoihi khat hi a, amaute’ neih sang lianpente’ lakah khat pan hi pah hi. Gentehna in, i gensa bangin, Wheaton, ahkl. Bob Jones, ahkl. fundamental sang hoihi pawlkhat hi ding hi. Amah pen Thu pan a Pasion nasem khat—khat bangin kihilh hi. Tua ciangin amah pen limtakin a kisin sak, a tei mahmah khat, tua banah ngimna lianpi khat tawh a khangkhia mipil khat hi a, ni khat ni ciangin siampi khat hiam ahkl. siampi lian khat hiam a suak mai thei khat hi.

⁷⁰ Aman ngimna khat nei hi. Tua khit ciangin, tua, hih ngimna lianpente tawh amah a kisin sak hi a, tua banah a nuntakna buppi zangkhia a, kum giat hiam kum sawm hiam khawng panin a upat dong, kum sawmthum hiam sawmthum-le-nga khawng ciangdong, a sangkah a zawh dong ahi hi; tua ciangin ama’ pilsinna leh tuate khempeuh tawh, a naseppihte khempeuh tawh omkhawm a, Jerusalem ah siampi lianpi’ kiang nangawn ah om hi. Aman tua pa’ tungpan thupiakte, mimal vai thupiakte, laigelh ngah a, tua banah hih a lian Saul muang a, “Damascus ah paisuk ding leh tua a gen Pasion a bia mite khempeuh a zong ding, tua ciangin tuate manin thong sungah a khum ding ahi hi.” A kisap leh, amah a ut nak leh, tua a matlehen thuak mite sih nadingin thupia thei hi. Amah pen . . . Amah pen ngimna lianpi nei hi.

⁷¹ Tua ciangin tu-in, tua a sinsa khempeuh, Pasion in ama’ tungpan lakkhiat sak hi. I mu hia? Tua ciangin ama’ tupna pen in, a pa in ama’ ading sumlepai a zatna, tua ciangin a pa leh a nu in a ngimnate, ama’ tungpan kilakhia khinzo hi banghang hiam

cihleh tua—tua pen Pasian in na dang khat tawh khek hi. Tua ahih manin, amah pen a nuntakna ah a neih ama' ngimna panin thongkhiapa khat hi a, tua ciangin amah pen Zeisu Khazih, Thu tungah thongkhiapa khat hong suak hi.

⁷² Tua Damascus paina lampi in Paul khel hi. Paisuk a, nai sawmlekhat pawl, hi kha ding hi, sun laitak, tua mun ah amah kikat tuk hi. Tua ciangin aman Aw khat za a, tua in, “Saul, banghang in Kei hong bawlsia na hi hiam?” ci hi. Tua ciangin aman ento hi. Tua ciangin a ettoh leh, Jew mikhat hihna tawh, Mei Khuampi pen Topa in Israel mite a makaihna cih thei a, banghang hiam cihleh Tua pen bang hiam cih aman thei hi.

⁷³ Phawk un, hih Hebrew pa in cikmah hunin “Topa” cih, T-o-p-a malpi, Elohim mawk zat ngeilo a, Tua in amah a lungkim sak kei buang leh, banghang hiam cihleh amah pen LST siam mahmah khat hi. Tua banah amah in a ettoh ciangin, Hih mu a, Khuavak khat, gamgawtak lakah a mite a makaih Mei Khuampi khat, tua ciangin amah in, “Topa aw,” Elohim, T-o-p-...”Topa, Kua na hiam?” ci hi.

⁷⁴ Tua ciangin hih LST siampa' tunga thupiang lamdang khat pen inah, hi bangin ci hi, “Keimah Zeisu ka hi,” aman a langpan Pa hi. Kikhel vatna lianpi khat hi! Oh! Oh! Hih mipa' adingin a nasia mahmah hi ngel ding a, a neih ama' ngimnate khempeuh, a zonkhiat ding, tuate khempeuh khatvei tawh, aman a bawlsiat niloh pen hi. Ama' ngimnate in amah pen ama' ngimna bulpi panin a gamla semsem ah paipih hi. Tua ciangin hih sawltakpi' tungah, a linglawng sak ding thu lianpi khat hi pelmawh ding a, Amah, “Keimah Zeisu ka hi,” a cih ciangin tua pa in a bawlsiat Mi taktak hi mawk hi. “Banghang in Kei hong bawlsia na hi hiam?”

⁷⁵ Hiah a kammal zat a dang khat i gen lai ding hi. Na mu uh hia, amau pen Pawlpi a simmawh bawl uh hi a, Pawlpi a simmawh bawl hizaw lo-in, Zeisu a simmawh bawl na hizaw hi. “Banghang in Kei hong bawlsia na hi hiam?” Paul in bangci bangin, ama' khuak pilna khempeuh tawh, Hih pen um thei hiam... tua hih a bawlsiat Pawl pen a na a sep a cih Pasian na hi mawk lo hiam? Tua thu ka ngaihsun a, a neng a tawngin pai lo-in, hiah ka deihsun i vekpi theitel dingin limtakin a sin hi hang cih ka ngaihsun hi. Tua thu mah tuni hong piang hi.

⁷⁶ Paul, bangmah a theihlohna tungtawnin, pil leh tei mahmah a, tua a bawlsiat Galilee pilsinna neilote sangin nasiazaw pek hi, tua mite in a kiniamkhiatna uh tawh hih Mipa pen Topa in sang uh hi. Ahi zongin, Paul, ama' thuhilhna lianpi leh ama' khuak pilnate ah, Tua sang zolo hi. Tua ciangin ama' tungah kikhel vatna lianpi khat hong piang mawk a, hih lampi ah. Tua ciangin amah pen a mittaw hi, tua ahih manin ama' nasep zom nawn lo hi, ahi zongin Tang kici kongzing ah amah paisak a, tua inn khat ah...

77 Tua khit ciangin kamsangpa khat, Ananias min neipa tungpan, muhtuam khat mu a, amah hong paisukin, ama' omna ah va mu a, tua ama' omna ah paisuk hi, a inn ah pai hi. Tua ciangin, "Sanggam Saul aw, nong paina lampi tengah nang' kianga hong kilang Topa Zeisu in na mit khuamuhna na ngahkik nading leh Kha Siangtho tawh na kidim nadingin kei hong sawl hi," ci hi.

78 Amah a omna mun mu un. Paul' adingin a thupi mahmah hi hamtang hi! I mu hia? Amah a kisinsak na khempeuh pen hong kilehbulh lian hi. Tua ciangin tu-in, aman a neih pilsinna khempeuh tawh—tawh, tua—tua pen ama' tengah hong kizang thei nawn lo hong suak hi.

79 Tu-in, aman bel tuakhak thu khat nei cih thei hi. Tua ahih manin hiah eite' adingin thusinna hoih a dang khat om hi, tua, tuakhak thu bek kicing lo hi. Topa' Kammal kigensa thu bangin tuakhak thu khat ahih kul hi. Tua ahih manin hi bangin amah i muh pen, Tua pen Banghiampi khat hi a, ama' mai-ah mi khatpeuh in Tua sang khinzo hi, aman kum thum le a lang sung tua—Arabia gangawtak lakah na sin hi; LST pua a, Tua pen a kigelhsa, Thuciam Lui hi, tua mun ah va paisuk a, ama' neihsa tuakhak thu tawh tehkak ding leh, Tua pen LST tawh kituak hiam cih en ding hi.

80 Tu-in aman hih bangin ci mawk leh, "Ee, tua pen bel tawmcik khat kimanna neilo dingin ka um hi," tua leh bangci ding? "Ken—ken ka khuakpilna mah zui ning e"?

81 Tu-in, banghiam khat, thongkhiapa khat ah amah hong suak kul hi. Tua ahih manin tua a tehkak khit ciangin, mu a, aman Hebrew Laibu pen gelh thei hi cih pen lamdang lo hi, etsakna khat hi. I mu hia? Kum thumlelang sung, Thu sungah om a, tua ciangin amah a samkik Pasian pen mah mukhia a, ama' khuak pilna khempeuh khelsak a, aman a ngaihsut ngei khempeuh, aman a sin ngei dan khempeuh khel sak hi. Ama' ngimna khempeuh, ama' tungpan hepkhiat sak a, amah pen thongkhiapa khat hong suak hi. Pasian' itna pen lian mahmah a, tua bang kilaakna khat, Tua panin amah gamla ah pai theilo hi.

82 Tua pen Pasian tawh a kimu thu um taktak peuhpeuh ii tuakhak thu taktak hi. Nang—nang in a lian mahmah Banghiam khat tawh a kizom dingin nong pai a, tua nang... tua—tua bangkim khempeuh ah, thongkhia khat nong suak hi. I mu hia? Nang—bangkim khempeuh panin na paikhia a, Hih ah nangmahmah thongkia dingin na om hi.

83 Tua pen khatvei Zeisu in hong gen hi a, "Vantung' Kumpigam pen mi khat in kep manphate a lei tawh kibang hi. Tua khit ciangin tua pa in tua Kep manpha a muh ciangin, tua Khat a ngah nadingin, a neihsa khempeuh zuak hi."

⁸⁴ Tua ciangin tua lampi pen hiah hi. Nang—nang in khuaklam ngaihsutna khat na nei a, LST thu tawh kisai tuahkhak khat zong na nei hi; ahi zongin nang—nang—nang in tua a taktak Na pen na muh takpi hun khat hong tun ciangin, nang—nang in na khempeuh zuakin, Hih sungah nangmahmah na kinai theih nadingin na hih hi.

⁸⁵ Paul in tua pen bang hiam cih thei hi. Aman—aman Banghiam khat ah sakol kamkaih bawl bangin tua mukhia hi. Sakol khat a kamkaih thuah i koih bangin, tua pen—tua pen banghiam khat ah kikai sak hi. Tua ciangin Paul in thei hi, hih tuahkhakna khit ah, kum thumlelang bang a neih tuahkhak thu, LST tawh, Pasion in amah teel in KST in amah sakol kamkaih bangin bawlkhin cih phawk hi, aman a neih tuahkhak thu, Gentile mite' omna ah Lungdamna Thu kai ding ahi hi. Kha, Amahmah, in amah kai hi.

⁸⁶ Tua ciangin, tuni, Khazih' nasemte hihna tawh, eite zong sakol kamkaih bangin hong kibulh khinzo hi. I pai theikei hi. Tua tawh eite hong kikhih a, Thu ah hong kamkaih hi. Kuakua in bangbang a gen zongin phamawh lo hi, Tua ah nang hong kikhih hi. Tua tawh kibang banghiam khat om a, Tua panin na gamla pai theikei hi. Tua tawh KST in nang hong khih khinzo a, Thu ah nang hong kikhih khinzo hi. Tua ciangin kuakua in bangbang a gen zongin phamawh lo hi, Tua in Thu hi, hi den hi. Tua tawh sakol kamkaih bangin hong kithuah a, Tua tawh hong kikhih hi, Thu ah, Kha tawh, amah pen kikhih hi.

⁸⁷ Aman tua Arabian gamgawtak lakah kinga hi, ama' neihsa khempeuh, leh tuahkhakte, leh ngimna, tua, aman tua nate khempeuh nusia hi.

⁸⁸ Tu-in, tuni, eite in tua thu i mu a, eite in zong i nusiati ding kul masa hi. Tua banah midangte bel ut lo ding uh hi. Methodist sanggam khat in ama' Methodist thuhilhna mah lenkip nuam hi. Uh-huh. Baptist sanggam khat in ama' Baptist thuhilhna mah lenkip nuam hi. I mu hia? Ahi zongin bangkim panin na nusiati kul a, a thakin, na suahkik kul hi. Tua ciangin tua panin paikhia inla, KST kimakaih sak in. Hi bangin na ci theikei hi, "Ee, tu-in, ka pa in, amah pawlpi sungah a lut ciangin, pastor tawh khut kilen uh hi. Aman, amah pen member muanhuai khat hi." Tua pen ama' adingin hoih kha ding hi, ahi zongin eite pen a dang ah i hi hi. I mu hia? Tu-in tu hun' ading LST hunlenite ah i paikik kul hi.

⁸⁹ Siampite zong kikamkaih uh hi. Ahi zongin, na mu hia, amau pen hun dang khat ah pai khinzo uh a, tua ciangin amau—amau a kamkaihna lui uh suahkhia-in, kamkaihna thak khat ah thuah lo uh hi.

⁹⁰ Tua ciangin tuni tua mah eite in i mu hi. Eite in pawlmin tawh kisai khanghun tawnin i pai a, pawlpi khanghunte tawnin i lah mah bangin, LST leh tua tuamtuate, ahi zongin a

suakta khanghun ah tu-in i pai a, KST Mahmah hong paisukin Amahmah hong lak hi, tua ciangin Amahmah hong kitheisak a, Ama' hong kamciam bangin kamciam hong bawl a, hong tung ding hi. Oh, kalai! Hun manpha hi!

⁹¹ Tua ciangin aman thei hi, a dang khat, mun dangte ah amah pai theilo cih aman thei hi, tua, Hih thu ah amah kikamkaihi a, aman hih theilo hi. . . tua pen, ahi zongin amah pai nuam hi. Ama' ngimna in amah a kisapna mun a sanggamte lakah amah kai hi cih thei a, tua ciangin Kha sungah banghiam khat a sem dingin amah kisawl hi. Ama' thu bangin gamta thei nawn lo hi.

⁹² Mi khatpeuh in hi bangin ci kha thei hi, "Sanggam Saul, Sanggam Paul aw, hiah nong pai ding ut ung, banghang hiam cihleh ko pawlpi lianpen nei ung. Mionpi a lianpen nei ung. Na citpiaknate thupi ding a, tua tuamtuamte."

⁹³ Ahi zongin Kha sungah kisawl na tawh, aman hi bangin ngaihsun a, "Tua lai ah sanggam khat ka nei hi. Pai in hih sanggampa ka honkhia ding a, Topa' kiangah ka tun ding hi." Ahi zongin, himah taleh, Kha in mun khat ah a pai nading sawl hi. Amah pen thongkia khat hi. Hi lua hi.

⁹⁴ O Pasian, tua mah bangin kote zong, ka lunggulh uh ngimna panin thongkiate dingin hong bawl inla, tua ciangin kote' thukhennate leh a hoihzaw ding ngaihsutna panin, Zeisu Khazih' thongkiapa khat hi dingin hong bawl in. Tua pen pulakna lian khat hi dingin ka ngaihsun a, tua, "Zeisu Khazih' tungah thongkiapa khat ka hi."

⁹⁵ Tua ciangin phawk un, Amah pen Thu hi. I mu hia? Kuakua in bangbang a ngaihsun zongin phamawh lo hi, tua pen Thu hi. I mu hia? Thu ah thongkia khat na hih leh, pawlmin in Tua panin bangbang a gen zongin phamawh lo hi. Tua pen—tua pen Thu hi. Nang pen. . . Tua ah nang pen thongkia khat, na hi ziau lel hi. Tua gamtat bangin na gamtat kul hi.

⁹⁶ Tu-in, a utna mun pawlkhat ah amah pai thei lo hi, banghang hiam cihleh (banghang hiam?) Kha in amah kham hi. Na phawk uh hiam, tam veipi, Paul in mun pawlkhat ah pai sawm hi, ngaihsun a, "Tua mun ah kimuhkhopna lianpi khat ka nei thei ding hi," acihna mun hi a, Kha in amah kham hi. Tu-in, tua in Paul pen thongkia khat ahihna kician takin a lah hiam? Zeisu Khazih' tungah thongkia khat, Ama' Thu ah, Kha tungtawnin kamkaihi kithuah hi! Oh! Tua ka deih hi. Uh-huh.

⁹⁷ Amah kihen hi. Sikkhainiang tawh amah kihen a, tua ciangin Pasian' deihsa a sem ding leh tua itna bek tawh a sem ahi hi. Amah pen thongkiapa khat hi. Sikkol itna tawh amah kihen hi. Khazih tawh hakkol puakhawm hi. Aman bangmah dang ah hakkol pua lo hi. Amah tawh hakkol puakhawm hi. Tua ciangin Makaihsa in a paipihna mun ah, aman a zuhi kul hi. Lonona a eng dildial mun ah, *hih* lam ah ahkl. *tua* lamah, Makaipa' lampi ah pai-in hakkol a puak kul hi.

⁹⁸ Oh, tu nitak, eite in, Branham Biakbuk ah, thongkiate suak thei beek zen leng; eite' deihna ah, eite' ngimna ah, eimahmah kipiakhia bitbek a, Ama' tungah hakkol i puak ding ahi hi. Leitung buppi in bangei a ngaihsun zongin phamawh kei, Leitung bup in bang a sem zongin, sikkol itna tawh i hakkol i pua a, eite thongkiate i hi hi. "Khazih' tungah ka khete hakkol kikhiih hi, tua in hong lam sak lo ding hi. Ka mitte Khazih' tungah hakkol kikhiih hi, kongzing a om a muhtadah huaite ka et ciangin, Tua in ka lu hong heisan hi. Ka—ka lungtang zong itna sungah Ama' lamah hakkol pua hi, hih Leitung' ading itna ka nei nawn kei hi. Ka deihna pen Ama' tungah hakkol kisuan a, ka ngimnate banghiam cih nangawn ka thei nawn kei hi. Tua, 'Nong makaihna lamlam ah, kong zui ding hi, Topa.' Kei pen thongkia khat ka hi ding hi." I mu hia?

⁹⁹ Paul pen thongkia khat hi takpi hi. Aman pulakna maanlo khatpeuh nei lo hi. Amah pen KST tungpan a kisinkik hi a, Thu tungah kinga hi. Tu-in, amah pen lampi khat ah kisin khin a, ahi zongin—ahi zongin tu-in Pasian in lampi dang khat ah amah sin khinzo hi. Amah pen Topa' tungah a kinga dingin KST tawh kisin a, ama' ngimnate bang hiam cih thupi lo hi.

¹⁰⁰ Tu-in KST tungpan note' tungah banghiam khat kong lak nadingin kong huh ding hi. I mu hia? Tu-in gentehna khat zang ni.

¹⁰¹ Ni khat, Paul leh Silas, khanlawhna a neihna mun uh khuapi khat ah lampi ah hong paisuk uh hi. Tua laitakin, naupangno dawlut nungakno khat in ama' nungzui-in, hong kiko hi. Tua ciangin Paul in sawltakpi za nei khat ahihna tawh, thuneihna nei cih bel muanlah om lo hi, tua numeinu' sungpan kha gilo hawlkhia thei hi. Ahi zongin na ciamteh kha uh hiam? Aman ngak phot hi, ni khat khit ni khat, thakhatin, KST in amah a hopih, "Hih in a hunlenai hi" acih hun dong ngak hi.

¹⁰² Tua khit teh amah pau a, "Nang kha aw, numeinu' sungpan na pusuah nading thupiak kong bawl hi," ci hi. I mu hia? Aman Topa' zia ngak ding thei hi.

¹⁰³ Tua ciangin tuni in Thu tungah mi tampite in gensiatna hong tun uh hi. Amaute in ngimna khat tawh paikhia uh hi. Tua bang na khat' hangin khanlawhna bangzah kinusia hiam, banghang hiam cihleh evangelist in Topa in a gen kul ding thu pen a muh nading ngak lo hi! Mi pawlkhat in, "Hiah hong pai un," ci uh a tua ciangin amau—amau tun paipah uh hi banghang hiam cihleh kipawlina in, "Pai in," ci uh hi. Tua ciangin KST in a kilamdangin gen ding hi. Ahi hangin, mihing' ngimna ah gam upa suak ding, ahkl.—ahkl. adang khatpeuh, ahkl. upa pawlkhat, ahkl. bishop pawlkhat, ahkl. banghiam khat in amah kai ding a, "Na pai kul hi," ci hi. Tua ciangin, ahi zongin, aman theizaw hi. KST in ci hi, "Hiah pai in." I mu hia? Amah pen a kipawlina ah hakkol puakhawm hi. Amah pen kipawlina ah thongkia mi khat hi.

¹⁰⁴ Ahi zongin amah pen Khazih ah hakkol pua ahieh leh, amah pen KST makaih ahi hi. Amah...?. . . I mu hia? Amah, amah hakkol pua a, thongkia mi khat. Bang khatpeuh in a gen thu ah kilamdanna khatpeuh bawl kei in; tua pen—tua pen—tua pen—daktal kitum bang, daltuah kisat bang hi. Aman Pasian' Aw bek za hi, tua ciangin Tua hong paikhiaht ciang bekin pau hi. Aman bangmah pau lo hi.

¹⁰⁵ Mi khatpeuh in, “Oh, oh, Sanggampa Jones!” Ahikeh, tualai, Sanggampa Roberts, ahkl. pawlkhat, tuni a i gam sunga om hih mi thupite, Tommy Hicks te dan, ahkl.—ahkl.—ahkl. Oral Roberts, ahkl. Siapa Tommy Osborn, tua evangelist thupi pawlkhat. Mi khatpeuh in hi bangin ci hileh, “Ngai in, hiah hong pai in, Tommy. Nang pen Pasian' mi lianpa khat na hi.” (Ahkl. Oral.) “Tua ciangin ken—ken pano khat—khat hiah a lum ka nei hi, tua pen—tua pen tang theilo hi. Tua ciangin amah—amah pen cina hi. Hiah nong pai ding ka ut hi. Amah na damsak nading thahatna na neihlam kong um hi.” I mu hia?

Tua ciangin KST in ama' kiangah, “Tun hilo hi,” ci kha thei hi.

¹⁰⁶ Ahi zongin, ahi hangin, tua pa' lawm hihna, amah pen amah tawh a pai ding ahi hi. Aman hih kei leh, tua pa' gal suak ding hi. Tua mipa in, “Tuabang-tuabang ah ka pai hi, tua naupangno ahkl. tua pasalno dam hi. Tua pa in ahihlam ka thei hi. Tua ciangin ama' lawm ka hi a, kum tampi, mu hia, amah kei' kiang hong pailo hi.”

¹⁰⁷ Ahi zongin amah pen KST' hangin a pailoh ding kisawl teitei hileh, a pailoh ding hoihzaw a, Pasian' lamah hakkol kisuan hi. Ama' lawmpa, aman it hi. Ahi zongin aman KST' makaihna a zuih ding hizaw hi, banghang hiam cihleh bangbang hita leh, hoihzaw lo ding hi. Tua bang dan namte tam veipi ka tuak ngei hi.

¹⁰⁸ Ahi zongin Paul in Kha in ahieh ding a gen dong ngak lel hi. “Kha ngak in,” ci hi. Amah zan khat, thuhilh a, tua pan paikhia a, khebai mipa khat mu hi. Tua ciangin thakhat in, Kha in amah hopih a, aman, “Ka mucian hi. . .” Bangci bangin? Amaute tua tuikulh tungah, kisia ding uh hi cih pen aman a muhkhiat lampi mah hi. I mu hia? “Na dam nading upna na neihlam kong mukhia hi. Na khe in dingto in. Zeisu Khazih in nang hong dam sak hi.” I mu hia? Hiah na om hi. Amah—amah pen—amah pen hakkol pua hi. Amah'n tualai ah nipikal' khanlawhna khat nei khin kha mai dinga bangmah piang tuanlo hi, ahi zongin amah'n KST in a pau ding ngak hi. I mu hia? Amah pen tua thuum nguutnguutna ah hakkol pua hi.

¹⁰⁹ Tu-in nang in hi bangin na ci hi, “Siapa Branham aw, Nipini na thugen, hih hun khempeuh ah na ngakna tawh kisa' na mawhsak hi.”

¹¹⁰ Tua ciangin, ahi zongin, na phawk hi, lampi ah tualai kei hong hopih pen KST hi, tua ciangin ci lai a, “Cinate leh a damlote lakah nang kong sawl ding hi.” I mu hia? Tua in KST thumanna hi. Hi lua. Ka hih dingin Aman kei hong gen mateng ka pai kei hi. TUA CI-IN TOPA IN CI HI, acih ka ngak hi, tua ciangin TUA CI-IN TOPA IN CI HI. Tu-in, tua pen kilamdang hi. I mu hia? Tu-in, Tua, Tua in kilamdang sak hi. Hi hi.

¹¹¹ Amah’n Topa’ Thu ngak hi. Amah pen Kha sungah kidiah a, Pasian’ sawl bek a sem ding, tua khit ciangin Zeisu Khazih’ thongkiapa khat hong suak hi. Lawmte aw, eite pen thongkiate beek suak thei hizen lehang!

¹¹² Tua pen nasia cih ka thei hi. Ahi zongin ken—na ut uhleh, gamtat luheek pawlkhat kong genbeh nuam hi. Hiah lai sungah ka ciapteh guk hiam giat hiam bang om hi. Ahi zongin ka—a dang khat hiam nih hiam ka pia beh nuam hi.

¹¹³ Moses’ gamtat-luheek en ni. Amah pen a honkhiapa khat a hong suak hi. Tua ciangin aman—aman—amah pen a honkhiapa khat a suak cih pen thei hi.

¹¹⁴ Ahi zongin Moses tawh kisai ka gen ma, hih pulakna ka nei nuam hi, tua, Pasian in mi khatpeuh, Ama’ na a sem takpi ding, Ama’ thongkiapa ding mi la den hi. Mihing in ama’ neih ngimna khempeuh ki-ap a, ahihna bangkim, na khempeuh, a nuntakna, a kha, a pumpi, a deiha, a ngimnate, leh bangkim, tua ciangin a kicing, Khazih, Thu’ tungah, Pasian’ na a sem dingin hong suak hi.

¹¹⁵ Na thukhenna hoihzaw tawh kilehbulh in na kalsuan kha ding hi. Kipawl na khat ah zong hi kha mai thei hi, amau nang pen hong lamsang thei ding leh a thupi hong pia thei ding, tua ciangin na vang tang ding ci-in na ngaihsun kha ding hi. Ahi zongin nanglenang bang na mukhia hiam? Tawlkhat khit ciangin, nanglenang a guallel in na kimu a, Pasian in Ama’ tungah thongkia khat a suak nuam mi khat ngah nuam hi.

¹¹⁶ Pasian in thongkiate a zong hi. Aman tua hih den hi. Pasian’ Laibu tungtawnin na zongkhia kha ding hi. Mihing in na khatpeuh langpanin, Khazih’ tungah thongkia khat a suahkul hi. Tua ahih manin, Khazih simloh na khatpeuh tawh na kizom thei kei a; na pa, na nu, na sanggampa, na sanggamnu, na pasal, na zi, mi khatpeuh nangawn. Khazih tawh na kizom bek a, tua ciangin Amah bek, tua khit teh Pasian in nang hong zang thei pan hi. Tua hun dong, na hih thei kei hi.

¹¹⁷ Pusuak in, khat veivei mite khauhtakin na paupih hi. I mu hia? Na suahtak ding uh kong hanciampih sawm hi. Na kipatna mun khat na neih kul a, numeite in a samhiatna uhleh hih puante a silhna uh, tua ciangin a Christian pulakna uh lenkip uh hi. Tua ciangin, “Tua pen a kism khat hi” ci uh hi. Ee, mun khatpeuh pan na kipat kul hi. Tua ahih manin na ABC (a tawntung in Khazih um cihnopna—Ed.) tawh kipan in. I mu hia?

Tua ciangin leitung meelte nusia inla, bangbang ahi ta zongin, Khazih' tungah thongkia khat suak in. Tua khith ciangin mainawt lel in, a tawpna na tun dong, na khempeuh khahkhia lel in. Tua khith teh nang pen—nang pen—nang pen thongkia khat na hi ta a, Ama' letkipna na suak ding a, Ama' letkipna sungah Aman—Aman nang hong kem ding hi.

118 Tu-in, Moses in amah pen a honkhiapa ding in a suak cih thei hi. Aman tua thei hi. Tua ciangin na ciamteh kha uh hiam, Moses in a neih ngimna; a nu in ama' kiangah a gen lam thei a, a nu pen amah a kem nu hi.

119 Muanlah omlo, Moses naunek a suah ciangin, a nu in, “Na thei hia, Moses, tua hun . . . Na pa, Amram leh ken tatsat lo-in thu ka ngen uh hi. Ka thei uh hi, Thu sungah ka mu uh a, honkhiapa khat hong pai ding hun hi. Tua ciangin thu ka ngen uh a, ‘Topa Pasian aw, tua honkhiapa ka mu nuam uh hi.’ Nitak khat, Topa in ko' tungah hong hopih a, muhtuam khat sungah, na suah nading thu, nang pen honkhiapa khat na hi ding hi. Eite in kumpipa' thupiakna i lau kei hi. Eite in kumpipa' kampau i thudon kei hi. Tua khith teh, nang pen a honkhiapa khat a hong suak cih pen ka thei uh hi. Tu-in, Moses aw, nang pen ko hong khan liatpih theilo hi ung.”

120 Tu-in phawk un, amau tua mun ah, kum zali bang Egypt ah om uh hi. I mu hia?

121 “Tua ciangin kote—ko nang pen a dikna na, pilsinna hoih, sinna hoih ah kong paipih nuam uh hi. Tua ahih manin, nang kong la a, gunkuangno khat sungah kong koih a, tua ciangin Nile gun sungah kong koih hi. Tua ciangin bangzah in lamdang hiam, tua tui in gunkuangno pen pumpengte leh singkungte tungtawnin paipih suk a, hiah tai tampi a paikhith ciangin, Pharaoh' kumpi inn dong ah hong tunpih a, ama' omna . . . Pharaoh' tanu omna, tua nu kisilna bual ah na tung hi. Tua ciangin tua thu pianzia—tua nu in nang hong khan suah nuam a numei khat kisam hi” ci hi.

122 Tua hunlenite sungah, hi lua hi, amau hih naungekte a khan suah nadingun hih thawlte nei lo uh hi, tua ahih manin tua nu in a kem a khoi ding khat a neih kul hi. Tua ahih manin . . .

123 “Tua ciangin, Miriam, amah ka sawl suk hi. Tua ciangin amah tua lai ding hi, tua ciangin amah'n, ‘Nau a kem ding khat ka mu thei hi,’ ci-a tua ciangin kei hong sam hi. Tua banah, Moses, kongkhak khempeuh kikhak hi. Ngaihno aw, nang pen tu-in kum sawmleguk na pha a, Pharaoh' tapa ding na hi hi. Tua ciangin nikhat ni ciangin nang pen hih mun panin mite a paikhiatpih ding honpa na hi ding hi ci hi.”

124 Moses' ngimnate hong khangto ta hi. “Nu aw, pilna ka sin ding hi. Ka hihtheih zahin ka sin ding hi. Ka hih ding thu na thei hia? Bangci bangin galkap khat suak ding cih ka sin ding a, tua ciangin hih mun panin hih mite bangci lakkhiat ding cih ka

thei ding hi. Galkap bupi khat, bishop, ka suah dong ka sin ding hi. Tua ciangin ka lakhia—ka lakhia ding hi. Ka Ph.D ahkl. LL ka ngah ding hi. Tua ka hih ding hi ci hi.”

¹²⁵ “Father Chiniquy” tawh kibang hi, ama’ laibute na sim ngei uhleh. Hoih ei. Amah in “Protestants khempeuh honkhia ding hi,” na thei uh hia, tua ciangin amah pen, amahlema pumkhat suak ding hi. Tua ahih manin, hih siampi lianpa, a beisa kum tampi lai, “Father Chiniquy” mah bangin ama’ laibu ngah sawm inla sim lecin hoih ding hi. Amau amah pen, “pa” ci-in sam uh hi. Amah pen Brother Chiniquy, hi lel hi. Tua bang danin mi khatpeuh “father” ci-in i sam kei hi. Tua ahih manin tua—tua i mukhia a. . . Amah in LST sim ding hi, tua ahih manin amah pen mun ah paikhia thei a tua ciangin Protestant biakna pen diklo hi ci-a a vekpi Caltholic in bawl hi. Tua ciangin aman LST sim dingin a pai ciangin, KST ama’ tungah hong tunga, tua ciangin amah’n KST ngah hi, tua khit ciangin—tua khit teh amah pen amaute’ lakah khat hong suak hi.

¹²⁶ Tua ahih manin hih thu ciamteh un, tua Moses in sinna khempeuh nei hi. Banghang hiam cihleh, aman—aman thei hi. Amah tei mahmah hi, pil mahmah, a khuak hat mahmah hi! Tua hun dong, kuamah om lo hi. . . Aman Egypt mite nangawn hihl thei hi. Tua hun dong, aman lungsim lam pilna neite hihl thei hi. Aman amaute—amaute’ galkap mangle tungah galkapna thu hihl thei hi. Amah pen mi lian khat hi. Tua ciangin mite in Moses kihta uh hi, ama’ liatna hangin. Oh, tua bang pilna thupi si e! Kalai! Amah pen archbishop, ahkl. pope khat tawh kibang ding hi. Amah pen mi thupi khat hi. Tua ciangin amah pen mi thahat khat hi. Tua ciangin aman hih a sem dingin amah suak cih thei a, tua ciangin kisin a, ngimna lianpi tawh, tua sem dingin om hi.

¹²⁷ Tuni tawh kibang hi. Tua mite, hih sanginnte ah a sinte ka genkei hi, ka gen nop tua hilo hi. . . Amaute mah bangin, Nitumna ah hiah om uh hi, tu-in, amaute in sang lianpi dollar awn za-le-sawmnga man lam ding uh hi, i mu hia, Pentecostal te, dollar za- . . . awn za-le-sawmnga man bei in sanginn bawl uh hi. Kei’ ading, gam sungah missionaries-te hileh hoihsa ing. I mu hia? I mu hia? I mu hia? Ahi zongin, bangbang hita leh, tua mun pan hong paikhia uh ciangin amau bang hih uh hiam? Amau bang hi uh hiam? Rickys-te dan nam ahi uh hi. Hi linlian hi. Tua khit ciangin tua pen amaute hong paikhiaztia uh hi. Tua pen a tawntungin, tuate khempeuh hi den a, kibang den hi. I mu hia?

¹²⁸ Tu-in i mukhia a, tua, a hun, Moses, ama’ sinna khempeuh, tua ciangin tuni, sinna khempeuh tawh, bishops-te leh a tuamtuum, a lian, ngimna lian, eite in bang i hih ding hiam? I ngimnate pen Moses’ hihna bang lian hong suak lel hi. I mu hia?

¹²⁹ Pasian, Ama’ khut sungah Amah’n mihing a ngah ma, tua mi ii ngimna lakkhiat sak hi. Ama’ sinna khempeuh Amah’n lakkhiat sak hi.

¹³⁰ Amah paikhia a, tua ciangin aman honkhia hi; aman Egypt mi khat that hi. Tua ciangin amah, amah'n tua ahih ciangin, amah a khialh lam mukhia hi. Aman tua hih zo lo hi. Tua lampi ding hilo hi. Tua ciangin Pasian in gamgawtak lakah amah paipih a, tua sehnal gam, sehnal gam mun khat ah sam hi.

¹³¹ Na ciamteh hia, a lamdang pian khat, hih mite omzia, Pasian in amaute' ading thupuak khat nei a, Amah in amaute sehnal gam sung khat ah sam hi.

¹³² Aman Paul pen sehnal gamah sam a, amah sin hi, hih muhtuam lianpi in bang hiam cih a hihl dingin, sehnal gam ah sam hi. "Sehnal gam khat ah paikhia in." Tua ciangin Pasian in ahih ding kicing takin a theihsak mateng amah om phot hi.

¹³³ Tua ciangin Moses' hun ah, Amah in sehnal gam ah amah sam hi. Kum sawmli sung tua mun ah kem a, ama' ngimna leh thutheihna khempeuh puahpha hi. Oh, hun thupi khat, amah'n nunghei in a supna mukik thei hi. Tua ciangin eite zong, tu nitak, tua mah i hih ding kilawm a, i-i ngimna bang hiam cih i muh ding kilawm hi.

¹³⁴ Cinate' ading hun bawl na en un, Topa in a beisa kum tawmcik lai-a a nasep mu un, cinate in damna ngahkik in, tuate i mu hi.

¹³⁵ Mi khempeuh, kipawl na peuhpeuh, pen banghang hiam cihleh amaute' kipawl na ah Tua pailo hi, amah in a damsakpa khat kisas uh hi. Tua ciangin eite in bang i hih hiam? Tawlkhat sung tua en ni. Moses hih mah bangin eite in zong i hih hi. I paikhia khinzo a nalamdang peuh i hanciam sawm lua hi. "Natna gim nam khat ka za hi. Ka khut sungah sisan ka-ka-ka ngah hi," tua ciangin nalamdang khat bawl hi. I mu hia? Tua leh eite in bang i nei hiam? Tua bang suanlekhak neih haksatna a nei mi kimkhat, a lungkia uh a zudawn mi hong suak uh a, lungsim paikhial, leh a lungsim na sa uh hi, tua ciangin amau a lampi khempeuh laihkik uh a, pentecostal ngimna panin kalsuanzia, kipawl nate leh nate ah bawlkik uh hi. I mu hia?

¹³⁶ En bang i hih khin hiam? Egypt mi khat i that hi. Tua hi. Tua ciangin i hanciam khin hi. I lakhia khin hi. I pia khin hi. I sem khin a, thunget kikhonate ah zan tawntung i pai a, i aw heu hi. Tua ciangin—tua ciangin banghiam khat i bawl sawm a, banghiam khat i hih sawm a, hih na namte khempeuh, tua banah supna lianpi hi cih i mu hi. Sehnal gam ah i paikik ding i kisas hi. Hi hi. Hi hi, sia. A tamkham leh hatsatna phuutna. Bang hangin nusia lo na hi hiam? Tua na hih ding kilawm thu hi, mu hia, paikik inla nusia in. Banghang, amaute hih mah bangin en zong i hih a, Moses hih bang hi. Bangmah hoih tuamlo hi. Kum sawmli khit nungah, amahlemah pen Pasian' Thu ah thongkiapa khat bangin kimu hi. Eite in bang hih dingin hanciam i hi hiam?

¹³⁷ Bang hun, Thupha lian hong paikhia a, tua ciangin hih nalianpite khempeuh hong kilatna ahi Pasian in eite tungah

hong gen tawh kisai: bangci bangin eite suakkik ding; tua ciangin bangci bangin KST ngah kul hiam; Zeisu Khazih Min tawh i sep ding tuiphumna; leh hih nate khempeuh.

¹³⁸ Na mu hia, mite, Thu ah a om ding sangin, Tua ah sakol kamkaih thuah a, amau bang hih uh hiam? Amaute in amaute' neih pawlmin vaihawmna tawh kipan uh a, tua in lawhsam khinzo hi, tua ciangin Thutak tawh a kibang banghiam khat bawl dingin hanciam uh hi.

¹³⁹ Tualai ah ka sat tan nuamzaw hi. I mu hia? Ka deiha thei cian dingin na pil lam ka telcian hi. I mu hia? Ahi zongin, banghang, bang kistem khin hiam en un. Tua ngaihsun in.

¹⁴⁰ Tu nitak, bang i nei hiam? ahi zongin a kipawlkhawm mihon gam khat: Pasian' Laibupi a nial; KST' Nuntakna a sam, tua, "Tua pen lungsim lam kizopna hi" ci uh hi; tua bang nate a pawlpi uhah nial uh hi; tua ciangin gulpi' khaici pana Thu khat na genkhiat ding, Tawntung bitna thu hong phallo ding uh hi, tua ciangin KST in hong lahsa nate leh Thu hi dingin hong lak hi. Tona khat khit khat ka bawl a, hong pai-in a lah tel nadingun.

¹⁴¹ Amau bang nei uh hiam? Luther neih bang, amaute khempeuh, i mu hia, Egypt mipa khat suamlum uh hi. Bang. . . Tua bang hiam? Mi siam pawlkhat a pankhia sak zong hi kha thei a . . . gu nawnlo ding, ahkl. a zi tungah citak ding. Ahi zongin tua panin nang mah bang bawl na hiam? Pawlpi mi khat. "Hong pai inla ka pawl uh hong zom in." I mu hia?

¹⁴² Tua a si mipa pen a lawhcinna pan, kum sawmli a sinna pan a khutmete tawh kawkw thei bek hi; a namsia Egypt mikhat tua lai lum a, muat in si hi.

¹⁴³ Tu nitak in zong tua thu mah hi. I kawkw theih khat bek om a, hih khanlawhna hong bei ta hi (a kici pen), pawlpi member honpite namsia hi a, Egypt mipa nitak khat thu tawh kisai Hottentot sangin Pasian tawh kisai bangmah theizaw lo hi. Hi hi. Tua, Pasian' Thu tawh kisai amaute gen ding a, amaute in, "Tua ka um kei hi" ci uh hi. Hi bangin ci hi, "Na thugen awlmawh keng, Tua ka um kei hi." I mu hia? I mu hia? Tua pen kawkkik ding hileng bang siahuai hi, tua a kigaakte leh haksatna phuutnate leh tua nate khempeuh i nei hi.

¹⁴⁴ Sanginn lianpi khat zong kawkw kha mai ding hi hang, ahi zongin tua si hi. Kipawlna khat zong i kawkw thei hi, ahi zongin tua si hi. Tua namsia hi. Tua pen i kaihkhiat masak na tawh kibang hi. "Vok khat a buan lakah bualkik ding a, tua ciangin ui in a luat nekik ding hi acih bangin," i kiheikik leh. Egypt misi khat.

¹⁴⁵ Muanlah huailo ahi zongin mikhat in ci hi, "Moses, ee, mite' adingin thuakna nei nawnlo na hi hiam? Hih a sem dingin nang hong kisam hi." Mi khatpeuh in tua Moses thei a, tua ciangin amah pen tua dingin kisam hi cih thei hi. "Tua ciangin . . . Mite' ading thuakna nei nawn lo na hi hiam?"

“Hilo hi, sia.”

¹⁴⁶ “Ee, bang hangin paikhia lo, tualai, *hih* sem na hi hiam? Bang hangin *hih* hihsawm lo na hi hiam? Tua ciangin bang hangin amaute khempeuh tawh pai lo na hi hiam?”

¹⁴⁷ Sawlbaw meikuang ah Moses in tua a tuahkhak hun dong, Thu a tangko a muh hun dong amah tua lai ah om hi. “KEIMAH IN Abraham, Isaac, leh Jacob’ Pasian Ka hi hi. Ka kamciamna Ka phawk hi. Tua ciangin amaute a honkhia dingin ka paisuk khinzo hi. Hih a sem dingin nang Kong sawl ding hi” ci hi. Tua hi.

¹⁴⁸ Amah’n Thu mu a, mite’ ngimna ahkl. mite’ lunggulhnate hilo hi. Tua khit ciangin amah bang hong suak hiam? Amah’n Egypt mite mu nuam nawn lo hi. Hih thu tuakkha nuam nawn lo hi. Ahi zongin amah pen thongkia khat hong suak hi. Amen. Kum sawmli bang taina, suplebaina, ahi zongin amah pen thongkia khat, sawlbaw meikuang ah hong suak a, ama’ khuakpilna khempeuh tawh a thahat Moses hong suak hi. LST in a genna ah Moses pen thu ahkl. gamtatna ah, tua Egypt gam ah a thahat mipa khat ci hi.

¹⁴⁹ Ahi zongin sawlbaw meikuang’ Ompihna sungah a thahat LST siampa en un. Aman a hihtheihlohna bek pulak hi. Aman Pasian’ ngimna taktak a muh ciangin, tua ahih dingin a cinlohna pulak hi. Ahi hang, amah pen sang hoihipen leh amaute in sinna hoihipen a sinsak leh a neipa hi. Ahi zongin, ahi hang, amah’n ahih thei hiam. . . tua Mei Khuampi pen sawlbaw ah hong kuang hun ciangin? Hi bangin ci hi, “Ka pau thei kei hi. Um-hum. Topa aw, a pai dingin kei kua ka hi hiam?” I mu hia?

¹⁵⁰ “Na khedap suahkhia in, Moses. Nang tawh ka kiho nuam hi. Na puan suah in, na khedapte nangawn. Nang—nang omna siang hi. Nang tawh ka kiho nuam hi.”

¹⁵¹ A pau nangawn pau thei lo hi. A tawpna ah, a kiteel thongkia pa, a kiteel kamsangpa, Paul kiteel mah bang hi. Moses pen a honkhiapa dingin kiteel hi. Tua khit ciangin, a tawpna ah, Pasian in Ama’ teelna ngah thongkiapa pen Ama’ kiangah sam hi. Oh, hallelujah! Pasian’ Thu in amah a khin ciang bekin amah kikhin thei hi. “Kei hong sawlpa kua ci ding ka hiam?”

“KEIMAH KA HI HI.”

“Bangci hih ding ka hi hiam?”

“Nang tawh Kong omkhawm ding hi.”

¹⁵² “Hi ei, Topa, Na gen bangin hi hen. Hiah ka om hi.” Oh, kalai! Tua, amah pen thongkiapa khat hi.

¹⁵³ Ama’ ngaihsutna hoihzaw tawh kilehbulhin amah pai hi. Tu-in, amah pen gapkap khat dingin a kisin hi. “Namsaute, lik to in! Maitang ciangah!” A pai dingin kisin a, “Sakolleengte, a vekpi om sitset hi! Teipite, mainawt un! Gal kuan un!” Tua pen ama’ hihzia ding ahi hi. Tua pen ama’ sinna hi.

Ahi zongin amah in, “Bang zang ding ka hi hiam?”

“Na khut sungah bang om hiam?” ci hi.

154 “Ciangtawn khat.” Pasion in khat veivei mihing lungsim ah a haivai mahmah nate hih hi. I mu hia? Ama’ khut sungah ciangtawn khat om hi. A khamulte kaisuk hi. Kum sawmgiaat pha hi. A zi pen a laa tungah tuang a; a tano pen a ang ah tu hi. Aneu, a kiplo khutte khiasuk a; ciangtawn khat. A lu bek dingto hi, a hang pen amah’n TUA CI-IN TOPA IN CI HI. Bang hang hiam? Amah’n a tawpna ah sikkip nei hi.

155 Amah pen thongkia khat hi. “Thu in kei’ tungah hong gamtat ciangin ka gamtang bek ding hi. Thu in a genna mun ah ka pau bek ding hi.”

“Koi ah pai ding na hi hiam?”

156 “Hih ding khat ka nei hi: Pharaoh mai ah ding inla ama’ tungah va kilak in, hih ciangtawn tawh, Pasion in kei hong sawl hi ci in.” Amen.

“Tua khit ciangin bang hih ding na hi hiam?”

“Hih ka sep khit ciangin, maban Kong vaihawm ding hi.”

157 Hiah na om hi. Na hih ding na khat bek om hi, kal masa, tu nitak: ki-ap in, thongkia khat suak in. Nanglenang ahkl. banghiam khat ngaihsun ken. Thongkia khat suak phot in.

158 Moses pen thongkia khat hong suak a, pau nangawn pau theilo cih pulak hi. A tawpna ah, Pasion in Ama’ khut sungah amah a zat ciangin, Pasion in amah a paisakna mun ah amah pai thei bek hi. Koi ah, Amah’n ama’ tungah Thu hilh hi. Aman tua pen Thu cih thei a, tua khit ciangin amahlemah Thu ah ki-ap hi. Tua ciangin tua lai ah KST om hi, Pasion, Moses pen Pasion’ deihna ah sakol kamkaih hi.

159 Tua pen mah Aman Paul’ tungah hih hi. Ahi hia? Aman Paul pen kamkaih hi; aneu, a nak-kawi, mi zahko pian Jew, oh, Ph.D. leh LL.D. cihte zong aman gelh hi. Ahi zongin Amah in, “Thu’ hangin amah in a thuak ding thu amah ka lak ding hi ci hi.” I mu hia? Tua ciangin . . .

160 Tua khit ciangin Paul tua lai tu a Thu mu a, tua a muh pen in Zeisu hi, tua khit teh a khutte lamto a Ama’ tungah sakol kamkaih hong suak hi. Pasion’ itna in amah pen Thu ah kamkaih bulh hi. “Gentile mite mai-ah amah in Ka Min a pua ding hi.” Tua lai amah pai hi.

161 “Moses, Keimah in na pate’ Pasion Ka Hi Hi. Keimah in Abraham, Isaac, leh Jacob’ Pasion Ka Hi Hi. Amaute’ tungah ka kamciam ka phawk a, tua kamciam hun hong nai ta hi. Ka mite’ thuaknate ka mu hi. Ka kamciam ka phawk hi. Nangmah kamkaih dingin kong paisuk khinzo hi. Thu in a gen na thei hi. Tu-in, tua lai ah a pai dingin nang kong kamkaih khinzo a, vangliatna tawh pai in, tua lai-a om Ka mite na honkhia ding

hi. Tua ciangin na khut sunga om ciangtawn la inla, teci khat dingin, banghang hiam cihleh tua tawh limlamdang khat na mu khinzo hi.” David, a saili tawh ahih bang mah hi. I mu hia?

¹⁶² Kamkaih a, amahmah, tua ciangin amah paisuk hi. A tawpna ah, Pasian in Ama’ tungah a ki-ap mipa khat nei a, Ama’ tungah kamkaih hi, Pasian’ Thu in amah a gamtang dingin a sawl mateng gamtang theilo hi. Tuni, mite in tua bangin hih zen hi mawk leh! Tua khith teh, amah pen Ama’ thongkiapa hi, itna pan thongkia khat, itna’ khau tawh hakkol pua, Pasian tawh, Pasian’ tungah itna khau tawh a kikhith hakkol pua Paul hi.

¹⁶³ Paul mah bangin, amaute gel tua lampi mah ah sin uh hi. Moses in sin hi, na thei hia, galkap hatna tawh Israel’ tate a honkhia dingin ahi hi. Paul in Roman-te’ khut panin amaute a lakkhiat nading leh amaute a suahtak sak nadingin sin hi, ama ii tua hun a leitung hatna tawh ahi hi. Sanginn liante pan sinna, Gamaliel’ nuai ah hong khangkhia hi.

¹⁶⁴ A nih un sehnal gam ah pai uh hi, um-hum; a tuam tuakin hong paikik uh hi. A nih un Mei Khuampi mu uh hi. A nih un kamsang uh hi. Ahi hia? A nih un, kamsangte hi. A nih un Mei Khuampi tawh kihopih uh a, tua bang lian mah in, honpa khat dingin pai uh hi. Amau hong pai uh hi; sehnal gam ah pai uh hi. A inn uh nusia in sehnal gam ah, a zongkhia dingin pai uh hi. A mite uhleh na khempeuh nusia uh a, Pasian’ deihna a zongkhia dingin pai uh hi. I mu hia?

¹⁶⁵ Amaute pen lampi khat ah kisin sak uh hi; Pasian in amaute a dang khat ah sin hi. Tua ciangin amau pen thongkia taktak hong suak uh a, amau ut danin gamta nawn lo uh hi, ahi zongin Pasian in amaute a deih bangin gamta uh hi. Amah pen zanni, tuni, leh a tawntungin kibang den hi.

¹⁶⁶ Hihte bawl dingin, tua lai minute 10 i neih beh hiam?

¹⁶⁷ A dang mikhat’ nuntakna ah i paipah ding hi. Tu-in ka mai ah khat ka mu hi. Ama’ min in Joseph hi. Amah pen teeltuam tapa khat hi. Amah pen Zeisu Khazih’ a kicing etsakna khat hi. Amah pen kamsang hong suak khat hi. Amah pen kamsang khat zong hi. I mu hia? Tu-in aman muhtuam mu thei hi. Tua ciangin amah pen naupang khat ahih lai-in, amahmah tokhom khat tungah tu a, a sanggamte in amah bia uh hi cih muhtuam khat nei hi. I mu hia? Ahi zongin vil gige un. Amah pen . . . Aman amah pen mi lian khat bangin kingaihsun hi. I mu hia? Tua ciangin tuate khempeuh . . .

¹⁶⁸ Ahi zongin Pasian in bang ahih kul hiam? Aman tua mite khempeuh’ tungah ahih bangmah hih hi. Banghang hiam cihleh, Moses pen honkhiapa khat hi a, Paul zong honkhiapa khat hi, tua ciangin tu-in Joseph pen honkhiapa khat hi. Aman kialpi panin a mite honkhia hi.

¹⁶⁹ Pasian in ama’ tungah bang hih kul hiam? Thonginn sungah khum a, thonginn ah amah puak hi. Hi hi, sia. Phawk un, amah

pen a sanggamte zuak hi a, Egypt mi khat kiangah zuak hi. Tua ciangin tua mite in Potiphar tungah amah zuak uh hi. Tua ciangin Potiphar in amah pen suahtakna tawmcik khat pia a, tua ciangin, a masa inah, ama' tungpan tua kila hi. Tua ciangin tualai thong sungah amah tu a, kap, kap hi. Pasian in tua a hotkhiatsak kul hi.

¹⁷⁰ Tu-in ciamteh un. Ahi zongin, hun khempeuh ah, ka um hi, amah, tua thonginn sungah, tua a muhtuam in a genna ah kumpi tokhom tungah tu ding a, tua ciangin a sanggamte ama' mai ah kun ding uh hi cih pen phawk thei ding hi, banghang hiam cihleh ama' hehpihna gah pen Pasian' kiangpan cih aman thei hi. Tua ciangin tua thu pen, hong tangtung ding hi cih zong thei hi.

¹⁷¹ Tua thu i lungsim ah i ciapteh theih leh, tua ciangin Pasian' Thu panin, hih ni nunungte ah Amah in a Pawlpi hong nei ding a, a mite zong hong nei ding hi. Tua banah hih nate Aman hong kamciam a, Aman tuate sem ding hi. Aman hih ding ci hi, tua hun sungah eite i nungta hi. Tua lai i om hi. Tu-in Aman eite pen Amah tawh kikhum khawm ding leh thongkia taktak ahi dingin eite hong ngah sawm hi.

¹⁷² Tua la lui na za ngei uh hiam, "Tua khith ciangin Pasian tawh ka kikhak cip ding hi"? Pasian tawh ka kikhak cip nuam hi. Tu-in, hih tawh kisai ka ngaihsutna mun hi. Pasian tawh kikhak cip dingin, bangmah hi nawn lo, leh Pasian in kin dingin hong gen ciang na kin bek hi. Pasian cih bangbang bek na hih a, na mu hia, Pasian tawh na kikhak cip hi.

¹⁷³ Tu-in phawk un, aman ngaihsun hi. Amahmah tungah, amah zong a lawhsam bikbek pa hong suak hi. Ama' theih khempeuh, ama' theihtel khempeuh, leh na khempeuh, amah pen a lawhsam dikdek hong suak hi. Tua pen kimang lo hi. Ama' dinmun pen kuamah in a thugen a ngaih noplohna mun ah kikoih mawk hi. Amah pen thongkiapa khat hi. I mu hia? Amah pen thu umlote in a up loh nading dinmun ah kikoih hi. Ka deihsa na mu uh hiam? Ama' nasepna pen bangmah man neilo hi. Mite in a lu uh peisan hi. Tua mite in thonginn sungah amah thudon lo ding uh hi. Ama' nasepna a hoih bang om zen ding hiam? Amah tua thonginn khuamte tungah ding in amaute tungah thuhilh kha mai ding hi; amaute in lampi ah paisan kha ding uh hi. I mu hia? Ahi zongin amah pen thongkia khat hong suak hi. Pasian in amah kem a, thongkia khat, tua a hun a cin dong ngak sak hi. "Hiah Ka mipa om hi," ci hi. Minthang! Lawhsap bikbekna!

¹⁷⁴ A tawpna ah, Pasian a thonginn sungah hong pai hi. Paul mah bangin, tua midangte mah bangin, ama' kiangah amah hong pai hi. Tua ciangin Amah in ama' tungah a piak hehpihna gah zang a, tua mun panin pikhia hi. Tua hi. A thonginn panin amah samkhia hi. Aman bang hih hiam? Tua a thonginn sungpan amah a sap khiat khith phetin, kumpipa tungpan hihtheihna kipia a, a kumpipa, amah pen a panglam ah tu sak a, ama' nuai ah koih

hi. Thonginn panin amah kisamkhia in vangliatna kipia a, a gen bangbang, hong pian kul hi. Amen.

175 A thonginn sungah, aman tatsat lo-in phawk a, amah pen ngimna khat' hangin suak hi cih thei hi. Kumpipa' kiangah a tut ding zong thei hi. Tua mite khempeuh in ama' tungah kun ding uh hi. Ama' muhtuam in tua bangin ama' kiangah gen hi. Amen. Ahi zongin a muhtuam hong tangtun sitset ma, amah pen thongkia khat a suah kul hi. Amen. Tua khith ciangin amah pen a ukpa hong suak hi. Tua ciangin a thonginn panin amah hong pai ciangin, amah pen Pasian' Thu pan thongkiapa khat hong suak a, Pasian in a kam ah a koih thu bek mah paukhia thei hi, tua khith teh Pasian in ama' tungtawnin gamtang hi.

176 Ciamteh un, Moses in Pahraoh' kumpite, a ut nak leh a vangliatna tawh khih thei hi. "Hih mualpi tungah, 'Kikin in' ci le uhcin." Uh-huh, uh-huh. Aman Pharaoh' kumpite khih theih nading vangliatna nei hi. Tua mite pen upate, ahkl. pawlpi cingte, ahkl. kuakua ahi uh zongin amaute in kuakua' ai-awh ahi zongin pha mawh lo hi. Amah'n, "Kong khih hi," a cih nak leh amaute kikhih uh hi. Tua hi ziau hi. Ama' kammal mah tawh aman hih thei hi, a ut nak leh. Amen. Pasian minthang hen!

Oh, minute thum khawng ka nei lai hi, tua ahih manin ka kammal ka zui hi.

177 Tu-in i mukhia a, amah pen—amah pen Pasian' tungah thongkia khat suak a, leitung thongkiapa khat panin hi. Tua pan... Paul, tua lampi ah. Tua ciangin Moses, tua lampi mah, ama' ngaihsutna thongkiapa khat panin Pasian' tungah thongkiapa khat suak hi. Amah hong paikhia ciangin, aman Pasian' vangliatna nei hi. Tua ciangin amah pen Paul... Moses' ngaihsutna, amah kipia a, tua pan kisuahkhia sak hi, tua ciangin Khazih' Thu ah thongkia khat hong suak hi. Koikoi ah gamtang thei bek hi...

Nang in, "Khazih maw? na ci hi."

178 "Amah in Egypt gam hauhnate sangin Khazih hangin simmawhna thupit ngaihsutzaw hi." Tua ahih manin amah pen Khazih' tungah thongkiapa khat hong suak a, Paul tawh kibang lian hi.

179 Phawk un, tua mi thumte pen kamsangte hi. I mu hia? Amaute in a ngaihsutna uh suahkhia uh a, Pasian' deihsut leh lampite ah thongkia a suah nading uh ahi hi.

180 Tua khith teh i phawk hi, tu-in, amah a ut nak leh a kammal tawh khih theih nading vangliatna nei hi. Aman khahkhia thei ziau lel hi. Aman hi bangin ci thei hi, "Kong khahkhia hi, ka kumpipa' min tawh." Amen. Pharaoh in Joseph pen ama' tapa bangin bawl hi.

181 Khazih in Ama' a, itna pan thongkiate, Ama' tapate in bawl hi. Amah amaute tungah vangliatna pia a, Ama neih pen mah

hi. John 14:12 ah, “Kei hong um mi in,” mu hia, “Keima sep teng mah a sem ding hi. Hih sangin tam a semzaw lai ding hi.” Khazih’ itna pan thongkiapa tu-in ama’ Kumpipa, Khazih tungpan a vanglian hong suak hi. Amen. “A mantakpi kong cih inah, hih mualpi tungah, ‘Kikin in,’ ci le uhcin na lungtang ah muanlahna nei kei unla, ahi zongin na gen bangun piang ding hi cih um le uhcin, na gen bangin hong piang ding hi. Kei sungah na kizop uh a, Ka Thu in note sungah a om leh; Kei tungah hakkol na suan uhleh,” banghang hiam cihleh Amah le Ama’ Thu a kibang hi. “A kipatcil in Thu om a, tua Thu in Pasian tawh omkhawm hi. Tua Thu mihing hong suak a eite lakah a teeng hi. Zanni, tuni, leh a tawntungin kibang den hi! Kei’ sungah nong kizop uhleh,” *hiah* leh *tua lai* hilo hi, “Kei sungah nong kizop uhleh, Ka Thu in note sungah a om nak leh; na dei uh ngen un, ahkl. na dei hna uh pulak un, hong kisep sak ding hi.” Aman vangliatna nei hi.

¹⁸² Ciamteh un, amah hong paikhia ma, amah kilakhia in a mul kimeet phot hi. Aman kumpipa tawh a kimuh ma-in tawmcik kimeet khia phot hi. I mu hia?

¹⁸³ Oh, Pasian in khat veivei Ama’ mite tua danin hong lakhia a, amaute’ deihnate meetkhiat sak hi, amaute in a ut dan uh hih theilo cih amaute’ kiangah lak hi. Ka dei hna na mu uh hiam. Amaute in a utut uh a hih nadingun suahtakna amaute—amaute in neilo uh hi. Vangliatna kicing sungah lut in Khazih’ tungah itna-sila a suah ma un, a kimeet khiat kul uh a, tua khit ciangin kilak thei pan uh hi. Khat veivei Amah in amaute sehnal lakah paipih a, tua a sem ding leh, amaute’ tungpan a meetkhiat sak dingin hi. Tua khit ciangin amaute paikhia tpih a, a kiteel khat, Amah in amaute a ngimna a tangtun nadingin seh hi. Ka dei hna na mu uh hiam?

Sanggamte aw, hun nunung ah i om hi.

¹⁸⁴ Phawk un, hun dang khempeuh, Ama’ nasep sa thei un. Aman mi khat la a, Ama’ tungah thongkia mi khat a suak dingin tua mi ii dei hna teng nusia sak phot hi. Aman a theihsa khempeuh a manggilh kul a, ama’ sinnate khempeuh leh na khempeuh manggilh bawl hi, Pasian’ dei hna a thei ding leh, Pasian a zui dingin hi.

¹⁸⁵ Amah in Pasian leh, mihing hih ding nate, semkhawm thei nawn lo hi. Tua pen khatlekhat, kilehbulh lian hi. Nisuahna leh nitumna na paikhawm thei kei hi. Taklam leh veilam na paikhawm theikei hi. A maan leh a maanlo na hihkhawm theikei hi. Mihing leh Pasian na zuikhawm theikei hi. Hilo hi, sia. Pasian ahkl. mihing na zui ding hi.

¹⁸⁶ Tu-in, tua khit teh, Pasian na zuih ding leh nangmahmah Pasian’ tungah ki-ap in, tua ciangin Pasian’ tungah, tua Thu’ tungah, tua dei hna ah thongkia khat na suak hi. Kuakua in bangbang a gen zongin pha mawh lo hi, Tua ah thongkia khat na suak hi.

187 Ngai un. Eite hun nunung ah i om hi. Tua ciangin hih thu pen zahtakna leh thupit ngaihsutna tawh kong gen ding a, i hun nunung minute sungah i pai kawmin. En un. Pasian in ka ngaihsutna ah, hong sem ding leh hong sep kul a, hih ni nunung ah hong sem ding hi, anlak hun nading hong zonna hi. Sual tung phiat siang nading, vanzat khat hong zong ding hi. Lokho mi peuhmah, a anlakna ah a pai ciangin, tua a nasep nading vanzat khat kisam hi; hi lua hi, sikkawi hiam ahkl. banghiam khat, vanzat pawlkhat, a an lakkhiat nading in kisam hi. Tua ciangin anlak ding hong min ta hi.

188 Pasian, Na khut sungah kote hong la in. Na itna pan silate in kote hong bawl in. Vanzat dingin kote hong zang inla, hih mawhna thu ah a phawk ding, tuni ka tenna uh hamsiat a thuak leitung ah, Zeisu Khazih pen zanni, tuni, leh a tawntung in kibang hi cih hong phawk sak in.

189 Keimahmah ading, Pasian aw, thongkia khat hong hi sak in. Ka sanggam khempeuh in kei hong nuainen leh, ka lawmlegual khempeuh in kei hong nuainen leh, Zeisu Khazih leh Ama' Thu pan thongkia mi khat ka ut a, KST tungpan, Ama' Thu ah kamkaih a thuah ka hi ding a, KST in Pasian' Thu pen Ama' gensa thute mah tawh hong kipsakna ka mu nuam hi. Zeisu Khazih' thongkiapa ka ut hi.

Thungen ni.

190 Ka thei nuam hi, tu nitak, i lute i kun kawmin, tua ngimna i neih leh, banghiam khatpeuh i neih khakleh, ahkl. i ngaihsut banghiam khatpeuh zong hi kha ding a, a kiphasak na khat, tua i koihkhiat theih keileh.

191 Tu nitak, hiah khangno tangval pawlkhat in kimlepam en kawikawi in, "Ka gol ciangin, *tua-bang tua-bang* ka hi ding hi, ka hi ding hi" a ci ding hiam ka thei nuam hi. Pasian' deihsa in na nuntakna hong hei zo na kisa hiam, tua ciangin, Hilo, hilo hi. Uh-huh, uh-uh. Ka ngimnate pen tu-in mansuah ing. Tua a nunung ni tawmkhat sung, KST in kei hong hopih hi, a ci i om hiam ka thei nuam hi. Pasian' lamah keimahmah hih ni nunung' tunging vanzat khat hi dingin, ka—ka—ka—ka kipia nuam hi," i om hiam ka thei nuam hi.

192 Khangno nungak pawlkhat in a zahtakhuai numei khat ii gamtatzia ngimnate nei kha ding uh a, ahkl.—ahkl. nungak melhoih kidemte zong hi kha thei uh hi, ahkl. Hollywood pen ni khat ni ciangin na ngimna hi kha mai thei hi, Pasian' Ompihna leh Ama' Thu sungah na ngimna tu-in na ap nuam kei kha hiam, na nuntakna mahmah ah Pasian' sapna na za nuam kei kha hiam ka—ka thei nuam hi. Pasian in nang kua cih hong thei hi.

193 Pawlpi sung mun khatpeuh ah nasem khat, sila khat ahkl., Pasian nasem ding khat a om ding hiam ka thei nuam hi. Khat veivei hiah kong tung thei zel hi. Tu nitak, hiah a tu mipi pan seh thum suah seh khat kong thei kei hi, ahi zongin ken, hiah

a om khut pekcia a phate ka thei a, ahi zongin mi khatpeuh in, hi bangin a gen nuam a om kha hiam, “Kuakua in bangbang a gen zongin phamawh sa keng. Tu-in Pasian’ sila ka hi hi. Ama’ Thu ka gen veve ding hi. Bang hiam cih awlmawh keng, ka—ka kipawlina in kei hong hemkhia uh a, tua Thu tawh ka omkhawm veve lai ding hi. Tua ka—ka sem ding hi. Ka deihna in Pasian’ deihna mah hi. Pasian’ deihna in keima’ deihna hi. Zeisu Khazih’ tungah thongkia khat ka hi ding hi. Ama’ hehpihna leh huhna tawh, ka hih ding hi” cih a ci nuam ka thei nuam hi.

194 I lute i kun laitak, tua na ngaihsun un. Tu nitak, tua ngimna mi bangzah in na nei uh hiam? Na khut uh hong lam un. Kei zong ka hi hi. Ka vekpi ka kipia hi. Tu-in i lute i kun kawmin, damdamin, tu-in na thunget kawmun, na ngaihsun un.

Ka vekpi ka ki-ap hi,
Ka vekpi ka ki-ap hi,
Nangma’ tungah a vekpi, ka Honpa aw,
Ka vekpi ka ki-ap hi.

Ka vekpi . . .

195 Tua na cihnopna hiam? “Thongkia khat ka ut hi.”

Ka . . .

“Kei hong la in, Topa. Tu nitak, Beelbawlp’a’ inn ah kei hong paipih in. Ka vekpi hong sukham inla, kei hong sekkik in . . . ? . . .”

. . . Nangma’ tungah, ka Honpa aw,
Ka vekpi ka ki-pia hi.

196 Vantung a om Pa aw, la kisasa lai a, Tu hun in a manphapen cih ka ngaihsun hi, tawlkhat sung la sungah lut in Nangmah kong hopih nuam hi. Mite in a ngaihsut kawmun, “Ka vekpi ka ki-pia hi,” Pa aw, hih pen a nunungpen hunpha zong hi kha mai ding hi. Zahtakna tak tawh Topa’ sabuai ah kong pai kawmun, hong pia inla, puantualpi hong siangsakin, kha siang, deihna siang, ngimna siang, komau mahmah hong ki-pia nuam ung.

197 Tua ciangin Pasian in Ama’ Thu la in, Tua tawh kote hong okkhawm sak inla, Pasian’ Thu bek hi. KST in tu-in kote hong la in, ka lungtang kimteng ah hakkol hong za sak ta hen, “Tu nitak a kipan, na kammal ah kong sang hi. Tu-in nangma’ ngaihsutna ah kinga ken. Keima’ ngaihsutte ngaihsun in. Ka deihna ngaihsun in. Nang Kong pi ding hi,” cih thu hong za sak in. Pasian aw, kote khatciat’ tungah tuahkhak thu hong hi dingin hong pia ta in.

198 Hiah a tu hih khangnote; pasal leh zi; nupa a suak ding pawlkhat. Hiah a khanghamzawte, tua Pasian nasemte, lam tawntung ah om uh hi. Tua banah, Topa aw, hiah Siapa Neville, kei, kahlei ah a om teng. Ka hun uh tu-in kisim ta hi. Ka kalsuante uh pen amaute’ tunga ka hihsa uh sangin kilim bawlzaw hi. Ka kalsuanna uh ka en gige uh hi. Nidang a ka hih

ngei uh bangun, taksa thu a gen ka hi nawn kei uh hi. Ahi zongin, Topa aw, tua a sithei nuntakna pen hong bei ziau ding a, kote' khekhapte zong Nangma' ciaptehte simloh bei ding hi.

199 Tu-in, Pasian aw, kote Nong la ding hiam? Ka lungtang uh leh ka deihna uh Nangma' khut sungah la inla, Khazih' lamah, Thu ah, tu nitak thongkiate hong suak sak ta in. Hiah Pasian' mi taktak bangun kote hong nungta sak ta in. Hih numeite, khangno numeite, hih khangno pasalte, pasalnate leh nungakte, a nuntakna uh ki-ap uh hen, Topa. Tua ciangin amaute' ngimnate in Zeisu Khazih' na a sem ngimnate hong suak ta hen, tua banah, Ama' hehpihna leh deihna pan thongkia mi suak ta hen. Hong pia in, Topa.

200 Ka hih ding ka theih tua teng hi, Topa. Hih nate pen kammal tumtawng vive hi a, Nangmah in ka kammalte nong gawmtuah sak nadingin kong muang hi. Banghang hiam cihleh, hiah khualum hi, mite in ngai nuam uh a, ahi zongin lum lua mahmah hi. Tua ciangin mi tampite inn ciah kul uh a nasem kuan baih ding uh hi. Ahi zongin tua khaicite amau' lungtang ah kituh henla, "thongkiapa khat" ci ta hen.

201 Inn ah ciahin a zi' kiangah, amaute in . . . thungenin a om ma, hih sunnung ah, ahkl. tu nitak lam, lupna gei ah, khatlekhat, hi bangun kici uh hen, "Ngaih aw, tua pen bangci na sa hiam, tu nitak? Khazih leh Ama' deihna' tungah thongkia taktak i suak mah hiam, ahkl—ahkl. eima' deihna tungtawnin na i sem hiam?"

202 Khangno pasalte leh khangno numeite, mun khempeuh ah, a diakin tu nitak, hih Thupuak a za mite, amauleamau hih dotna mah kidong uh henla, "Kei pen thongkiapa khat a suak nuam mah ka hi hiam, keima' nuntakna nusia dingin?"

203 "Ama' nuntakna a huu nuam mi in mansuah ding a, ahi zongin Keima' hangin ama' nuntakna a mansuah mi in tua mu ding hi." Pa aw, ka thei uh hi, tua thu hi: Nangma tungpan thongkia khat hong suak sak in, ka neih uh ngimnate leh ka neih uh lunggulhnate mansuah in, Nangma' a a zong ding, tua hileh kote in Nuntak Tawntungna ka nei uh hi. Hong pia in, Topa.

204 Ka theih sunsun, tu-in Nangma' khut sungah kong ap ding hi. Hong gah pha sak inla tampi pha in—anlak hun ni nunung ah zat theih na lianpi hong suak sak inla, pasalte leh numeite, pasalnate leh nungakte, Pasian' deihna kicing ah ki-ap uh hen, tua ciangin Zeisu Khazih' thongkiate suak henla, Ama' itna ah, Pasian' itna Khazih' tungah amaute hong om ta uh hen. Ama' Min in kong ngen uh hi.

Vekpi kong ki-ap hi,

I vekpi ding ni.

Vekpi kong ki-ap hi,

Nangma' tungah vekpi, ka . . . ? . . .

205 Tua i mitte si kawmin i khutte lamto in sakik ni.

Vekpi kong ki-ap hi,
 Vekpi kong ki-ap hi,
 Nangma' tungah, ka thupha Honpa,
 Vekpi kong ki-ap hi.

²⁰⁶ Tu-in, i lute i kun ding leh, tua ciangin mipite kikhenna la ahi, *Zeisu Min Na Kem In*, i sak ma in, Hiah hih sanggampa ka dong ding a . . . a min ka mangngilh hi. Sanggamnu in tua khuamial muhtuam bei in, a damna thu teci pang hi. Tua ciangin phawk un, enkik lehang, kikhuhna om nawn lo hi. Tua nu upna in zo hi. Thungetna tawh nong makaih ding hia. sanggam? Tua ciangin eite' tungah Pasion' thuphate ngen in. 

63-0717 Thongkiapa Khat
Branham Biakbuk
Jeffersonville, Indiana USA

TEDIM CHIN

©2025 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Aituam neih Theihsakna

All rights reserved. Hih laibu pen mimal aa ding ahihkeh hawmkhiat ding, Zeisu Khazih Lungdamna Thu kizel nadingin a mawkna in kipei khia thei hi. Ahizongin zuakkik ding ahi a, website tungah koih ding ahi a, kampau tuamtuam tawh teikhiaatna ahi zongin, sum bawl nading ahi zongin Pasion Awkhumna Kipawlana pan phalna om lopi-in kuamah in bawlkhia lo ding hi.

Theih behnop akl. ngah beh nop a om khak leh, hehpihna tawh hong ho un:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org